





連宵梅雨足雲澹午風涼溪暖魚苗出泥融燕子忙陰
成槐幄密濕透筍簪長池館延清晝閒焚柏子香

和韻携友登虞山凌絕頂入拂水禪院忽風雨驟

至因畱宿山中

吳訥

乘閒遊寶地一逕入松林古殿雲煙滿陰廊歲月深聯
床聽夜雨高論悅禪心寂寂天將曙鐘聲雜梵音

寄友人

故人爲客久何日賦歸田此去無千里相違已一年晨
鐘孤夢後夜雨短檠前無限相思意音書難盡傳

和韓公望遊虞山韻

秋山窮遠眺萬室起炊煙地曠連滄海城荒異昔年籃
輿尋隱逸野服寄林泉媿我材無似栖遲郭下田

蚤出德勝關此關盡日利風行者甚苦是日風息

程宗

五更寒雨歇伏節出關坡海口雲飛濕山巔雪積多樹
高撐碧落路旻俯蒼波天遣風旋息開懷且一歌

九月晦日感懷

章表

長嘯拂吳鉤南園惜壯遊乾坤同途旅風雨忽窮秋牢
落莊周劍飄飄范蠡舟行藏吾敢必天意信悠悠

至日寓湖山書館

徐恪

至日無塵事，翛然數卷書。山風寒掃榻，林葉夜供厨。卧病淹鄉國，趨朝憶殿廬。惟應金谷老，笑我世情疎。

郊居卽事四首

陳符

盛世慚無補，爲農分自安。杖藜從物外，耒耜老江干。野飯雕胡米，春蔬苜蓿盤。悠悠百年內，強健可加餐。散策來溪滸，觀雲坐艸亭。竹搖風墜籜，魚戲水流萍。藥餌扶衰質，詩篇引性靈。晚晴窮望眼，煙外遠山青。求羊不可見，蓬戶晝慵開。綠竹時教洗，清風還自來。枯槎維釣艇，盤石當琴臺。真趣無人識，陶然酒一盃。野外交遊寡，閒亭艸自青。曬書翻蠹簡，收藥按圖經。梅

雨兼旬過松風盡，日聽塵襟一疎豁。聊得遣沉冥。

西溪書舍

溪深塵事少，竹淨艸堂幽。迹追陶令儲，書富鄴侯榻。虛緗帙捲簾，靜篆煙浮自得沉。潛趣何須汗漫遊。

聞鸞

旭日上高林，嬌鸞美好音。含情啼樹杪，流韻入花深。莫續春閨夢，偏傷遠客心。卷簾聽不厭，爲爾動清吟。

答周行之郊居

煙霏開曙色，鳴扈在墻桑。樹藝聊成趣，園池喜向陽。筍生林補翠，蘭吐澗生香。何幸逢熙洽，山林日正長。

泊新村

桑琳

倚棹臨荒渚孤村識舊名樹高籠月色寺近遞鐘聲客
淚愁邊落鄉書枕上成鄰船喜相喚夜半候潮生

山莊次唐人韻

桑瑾

茆屋依山住山深客到稀漁舟煙際泊餉婦隴頭歸
雨晴還落溪雲濕不飛麥秋天氣近向晚又添衣

宿中峰寺

楊舫

看山有餘興策杖入中峰遠屋聽鳴澗巡簷見怪松
深明月墮詩就碧紗籠塵跡向已絕空吟壁下蛩

香山次韻

李傑

春光餘幾日乘興此登山樓閣空青外壺觴積翠間
偏人跡少花落鳥聲閒偃合依蓮社明朝未擬還

送商楫衡因過月河寺

餞行過古寺秋意已蕭然寂歷亭臺雨淒迷艸樹煙
倚樓窮遠眺涉徑掇幽妍不盡登臨興歸驂野水邊

和桑廷瓚留別韻

十載稱知己雞壇夙有盟別離遊子恨繾綣故人情
旅寓悲王粲途窮歎阮生可堪相送處殘雪擁孤城

璽上人山房夜坐

王鼎

行傍新松碧寒思舊竹青
年華隨逝水故舊閱流星
風

晚霜鳴葉沙晴鶴晒翎登樓望秋色一雁度蒼冥
秋秋寄友人用劉夢得韻 王授

拒霜開欲盡艸閣已深秋物色時俱化年華水共流庭
螿寒入戶塞雁晚橫樓知己何寥落清燈感舊遊

僧房夜雨

曉寒春袂薄夜雨過山家翠合一庭艸紅銷半樹花嬌
鶯遷木蚤輕燕入簾斜稚子閒挑筍詩僧正煮茶

初寒自述示元肅

西風吹細雨短榻怯青綾多病如衰老清閒似嬾僧竈
雷燒藥火窗廢讀書燈江上芙蓉發看花策瘦藤

秋夜閒坐

桑悅

月滿天如水秋光落手中樹明千葉露鬢冷萬絲風習
靜聞流水清吟荅候蟲來朝有行役江上采芙蓉

書無礙居士村庄

勝景不堪摹天工幻此圖江空寒月瘦海濶濕雲孤倦
馬慵求服幽禽愛集枯眼前俱可樂強健又如何

對月

離鄉知漸遠明月巧隨舟露滴嫦娥淚雲披客子愁乾
坤吾用拙今古大江流起抱清光卧孤身奈九秋

金山寺

桑翹

南北閒來往江空寺有年日高孤鳥過雲澹老龍眠古
渡秋山色長堤野樹煙潮聲知客意帶月送歸船

在武昌作

徐禎卿

洞庭葉未下瀟湘秋欲生高齋今夜雨獨卧武昌城重
以桑梓念淒其江漢情不知天外雁何事樂南征

秋日過故尚書吳公池館

平泉舊時里秋日水亭開苑樹澗陰合魚梁山照來野
人臨逸釣公子進新醕興盡何須謝垂鞭醉卽回

送范靜之遷威州

吾憐范巨卿悃悞不邀名作吏竹林下清風訟獄平與

君同得臯獨竄夜郎城萬里巴江水相思猿狖鳴

送友人還吳

陽月隨陽雁遙從塞上來北人江北望不見隴頭梅坐
下楊朱淚吟爲莊舄哀聊傳數行札千里送君回

中秋夜不見月兼邀儲太僕不至

今夜中秋月雲端空復情人間同寂寞天外獨分明桂
子飄何處邊鴻度有聲他鄉對家醞愁絕爲誰傾

月

落日桃源口迢迢望楚邦煙霏靜夜色棹響繞空江看
月生西浦穿雲度北窗高栖有羈羽照影不成雙

雨興

日夕茲樓望青山復舊林溪雲戶外合鄰竹雨中深晏
坐生幽興時禽貽好音從來蕭故意不是爲登臨

過梨雲精舍

遠師耽晏寂趺坐石床深畱客開香積譚玄就竹林煙
藤結暝翠雲磬下空音淨現青蓮色懸知出世心

送許補之還丹徒

憐君揮手去匹馬向南天旅病青山外鄉心落日懸燕
關變積雪淮柳動新煙驛路重雲裏相思易隔年

鼎邊太常於燕山見憶之作

故人惠思我百里寄瑤音獨在山中宿松齋清道心霜
鐘流夜壑曲澗入幽琴寂莫悲千古橋陵梓椽深

彭蠡

茫茫彭蠡口隱隱番陽岑地涌三辰動江連九派深揚
舲武昌客發興豫章吟不見垂綸叟煙波空我心

簡致之表弟

錢詔

會少苦離別愁多白髮新難將不如意說向个中人蛙
鬧池塘月山連井邑春對時成惡悅信筆寄相親

中秋感懷

燭影垂紅綬秋聲滴翠屏清宵萬感集白髮一時生老

驥號窮櫪飢鳥宿故城胸中多礪礪澆酒未能平

惜髮

櫛髮終朝落逢花強自簪歲華頻換曆心事幾知音酒
興黃公肆悲歌梁父唸夢中評骨法甘自老山林

石梅

狄雲漢

古院疎梅映傳家幸爾存祗因花綻玉竟以石爲根照
雪寒無影侵苔綠有痕幽香醒蝶夢蚤是月黃昏

宿拂水庵

丁奉

人生百年內幾夜在山巔身世層雲上床幃北斗邊梵
餘窗暝月鐘際雨鳴泉下界多塵累何妨再夕眠

除夜抵常德

陳察

滄港及除夕白沙逢晚晴沿村通擊鼓遠客獨兼程不
慣屠蘇飲曾爲物候驚平生諸故舊此夕有南城

吳寅號也徐云好風致

南城同知

贈廣文

盛賚汝

秋月發新彩河梁送子行文章多士重琴劍一帆輕紫
綬非吾願黃花有夙盟相羊天地老道在不須名

得友人書

帶客臨佳節仙郎來好音數行霞片片一枕晝沉沉萱
入金閨夢尊期玉樹陰相逢多道契短褐試披襟

友人移酒來雲閣用壁間韻

吳寅

萬簪蒼玉潤一抹黛眉橫望遠襟懷濶風高笑語清酒
嚴時令急花密午陰生最好留情處紫簫鸞鳳聲

寓戈墅庵和金夢蘭寄韻

雪收旛旆捲雨足桔槔停鷗點蘆邊白魚翻藻底青龍
章虛後乘井座耀前星謹貯華蟲筆書年紀四霧

遊興福寺

楊儀

爲愛禪林好時來坐夕曛幽禽喧敗屋古木墮寒雲細
讀逍遙論清譚怪石文步兵長嘯罷鼓吹半山聞

送別

漢室誰謀國憂時獨賈生長安今夜月照見幾人行藉
子婦飛翼將予遠別情江南秋萬里松筆有餘馨

茆堂

自愛茆堂靜安居覺晝長壁琴風作調堦蘚雨生香字
怯兒童問門嫌艸樹荒殷勤有鄰叟把酒話農桑

界涇庵聽雲川和尚彈琴

陸鳳翔

古院藤蘿合琴聲午欲殘身疑塵世外心爲羽商寬鳥
語春風滑松濤夜雨寒歸來湖上月相憶路漫漫

寄石屋錢山人

病落天涯遠愁兼歲月侵虞山片雨外繡嶺白雲深阮

籍仍耽酒方千應好吟春來飯顆下花發一披襟

謁岳鄂王墓

周詩

將軍埋骨處過客式英風北伐生前烈南枝歿後忠山河戎馬異涕淚古今同淒斷封丘州蒼蒼落照下

寶岳灣昔從先君春谷翁同趙絃川採黃棟於此

四十餘年矣茲同小川再過其寺已爲邑民所據覽今懷昔不覺有人琴之感遂紀諸短篇

挂席汎清溪岳中訪遁栖雲龕新眺改蘿徑舊遊迷廢寺無僧定荒林有鳥啼傷心懷往事落日重含悽

孫二川携酒遊破山寺

重攀谷口路竹樹入蒼茫貝葉開山久峰陰落磻長塵消玄梵境心遠白雲房潭影千年後因題遂不忘

九日登虞山大石望吳中諸山有懷華陽

茱萸逢令節攀折漫爲驩風景登高盡離憂對酒寬林虛殘照入峯遠斷雲攢吳甸蒼茫裏懷人百里看

小川携酒丹井同華陽中泉宴集

雲關隱空翠探逕到亭扉井憶仙成後丹憐化鶴飛竹深幽興遠坐久夕陽微獨羨梁園客耽吟醉裏歸

維摩寺同華陽中泉寓目

白雲藏古寺鐘磬出東林殿覆千年樹臺封百尺陰一

燈懸慧照片月見禪心願受維摩戒空山理梵音

郊居雜咏四首

章杲

地偏輪鞅寂花木蔽深溪淨業惟攤卷生涯只灌畦雨
花翻澗濕雲葉趁簷低載酒時相過幽人在崦西
雲移山頂露雨過沼痕平寺靜鸞畱客春寒鶴伴僧藥
闌晴引澗吟榻夜餘燈百事吾都拙操觚幸獨能
松涼閒鶴扇石淨啟經函投隱從黃髮娛生信白鏡薜
蘿雲自結榭葉雨頻芟林壑風流在相看覺未慚
落日上方遊還應到上頭鳥喧樵侶散鶴病野僧愁有
酒逢人醉何才應世求相思洞庭左日夕望三洲

閨怨

邵圭潔

終宵頻有夢十載苦無家刀尺驚新絮釵鈿落舊花淒
風愁角枕暗雨慘胡笳誰代防秋檄佳期已及瓜

夜坐

夜坐依殘卷春陰擁敝裘爐紅仍骨冷酒綠自心愁歲
月囊中劍行藏海上樓梅花開旋落催白少年頭

秋日破山寺

古寺秋林裏閒來一醉歌舊時花木處今日艸萊多澗
破龍何在橋橫虎自過山光與潭影岑寂對頭陀

雨中聞雁

嚴訥

冀北隨陽雁朝來帶雨鳴霧深難辨影風度忽傳聲
嘹唳空餘唳微茫眇去程不須傳足帛漢已返蘇卿

荅華亭馮咸甫

集中失載

傾蓋怜同調言深把袂前白雲來酒上秋色動江干
老態嗟予拙時名向爾看投來彈鋏句真不媿馮驩

送山城王君判沅州

集中失載

瞿景淳

潦倒文園客蕭條萬里行馳驅看佩劍舒嘯拂長纓
意逐蒼梧遠情同湘水清勞予頻悵望相對月華明

遊興福寺尋途卽事

錢籍

古寺登臨罷肩輿下翠微山僧携鉢上樵子負薪歸
暝

雀喧凋葉寒鴉度夕暉獨憐遊客興猶逐野雲飛

用朱二峰登茅山韻

攀蘿度側崖烏帽任欹斜白鳥衝香霧青松映落花
危峯天設險斷峽月流華不盡登臨興清風送晚霞

晚至牛首

百度思牛首今番入眼中落霞輝寶刹寒月映晴峰
佛界慈雲綠僧房法雨紅一時窮眺賞千古盪心胸

過桐廬作

落日桐廬望雲林相鬱紆依山開殿閣臨水結樓居
釣石行舟外煙江捲幔餘宵征非所惜嘗續古人書

宿西關

西關新設險野客乍迴車百堵齊興後三江坐鎮餘湖
聯疑跨海山擁類環滁莫■生民計勤勞視役書

秋夜顧病中瘦影有感

錢籌

獨覩枯禪影空齋得慨深寒燈今夜雨時事幾年心落
木驚哀雁高風怯遠砧相親有明月入室伴愁吟

登劍門

桑介

着屐凌高壑移尊坐嶺巔山深遠藏寺崖豁倒飛泉明
月樹頭出老僧雲外還何人來試劍古蹟尚依然

送徐山人入楚

蘇子來

故人行萬里相送忽驚秋別恨離亭晚開尊故國愁影
隨吳月去夢逐楚雲遊回首情無極那堪淚欲流

三水蚤行

自出橫查道三河一渺然山峰疑宿瘴溪樹鎖朝煙吟
稿添新句行裝祗舊編俄看紅日上秋水起飛鳶

卜築

施雨

幽人厭喧雜卜築傍林塘桂影含秋月波光映州堂披
襟對蒼岫洗耳聽滄浪聞來北窗卧端足傲羲皇

泰寧察院次壁間韻

時中

皇華催短景行李入新年北斗瞻天遠南閩覺地偏艸

海虞天苑 卷之五 十一
封山路合松結石根堅黽勉從王事何人笑獨賢

聽琴

陳瓚

深夜獨幽尋岳扉落葉深許携陶令酒來聽穎師琴人
醉月沉閣鳥啼風滿林應流西澗水千載寫餘音

贈太行上人從達觀禪師遊蛾眉

負笈過神州誰同汗漫遊琴臺青州合劍閣白雲幽覺
路初無去名山盡可休一燈何處覓雙錫萬峰頭

雨後桃源澗觀泉次韻

虹斂空山雨龍縈曲澗吟響隨風樹遠氣接海濤深一
片煙霞地百年泉石心空林歸客散幽徑落寒砧

秋日避寇望鄉

錢順時

出郭含雲翠涼風萬里長雁悲邊塞月人枕戍樓霜南
海波難靜東籬菊自黃故園凝睇處離索倍堪傷

宿迴龍寺山閣山與浮丘相去僅半舍蓬徙凌濛

無緣一訪仙跡爲之悵然

朱召

迴龍岳背閣前寨

亦山名舊屯兵處

石如林孤鶩霞邊影疎鐘

壑外音尋詩慚興淺聽雨入夏深願學浮丘伯消除塵
俗心

登興福寺浮圖

沈冕

象林栖海甸高塔接人天鈴語開羣寂珠光睿一玄身

高近白日足冷躡蒼煙未得招鸞鶴冷然與巴仙

老子祠

古殿開峰頂涵虛勢欲浮松杉連上界鸞鶴引仙遊迹
逸身無礙機玄道可求霧山多紫氣彷彿見青牛

遊上方山

煙雲迴眺覽樓閣澹相分山翠沾人面湖光洗寺門境
幽清梵寂心妙遠香聞僂儻求栖托還同靜者論

辛亥歲重遊文村東園二首

伊洛池亭舊秦淮客髻新難忘種樹日莫數看花人卧
石仍畱坐懸蘿幾換春山鸞識巾屨不思往來頻

醉客猶山簡名園並辟疆異花來未識珍果舊俱嘗對
水生幽意看花發故狂還教讀書榻移近竹枝香

胥門夜泊

清江胥口岸兵後客舟稀古戍無煙火寒城閉夕暉丹
楓臨櫂落白雁背人飛鄉信何由得孤眠聞搗衣

巳酉歲九日

他鄉遇佳節寂莫對秋風白髮紛無數黃花冷一叢繫
舟江浦北來雁洞庭東回首柴桑樹蕭條霜露中

春日燕郊二首

沈應魁

漫沽燕市酒來探禁城春御柳籠煙細宮花帶雨新珠

九摧勁翼羅襪動香塵客有長門賦黃金直幾鈞
春風長樂裏紅葉御溝西日近青樓莫雲依粉堞低鞦韆
花外度蹴踘柳邊迷猶羨嚶鳴鳥林枝借永栖

重登歌風臺

旅人歌莫哀且酌漢王臺猛氣千秋盡雄風四海來斷
碑青艸合荒雉白雲迴已是忘機客休令鷗鳥猜

七夕

瑤河霧易隔銀殿會恒稀乍睇雲裳合俄驚鳳輦歸暫
歡依墜魄輕散逐浮暉還將昨宵淚重上舊時機

奉和張洪陽先生閒雲館詩六首 趙用賢

獨好林中隱閒雲孤館多道心澄索莫生事澹蹉跎檻

外匡山合城邊章水過一丘雄自擅塵世幾勞歌

非關卑宦薄 是惜時窮湖海婦人老煙波隔夢中看

心孤月滿對影萬緣空羸得柴門下蕭然太古風

先生高卧處五畝是幽居日夕西山氣何如拄笏時白

沙畱野竹青靄斷寒漪風景前林好無妨倒接籬

迢遞衡門下白雲當戶行人皆憐鷺序吾自宿鷗盟曉

月清江渚浮雲遲苑城一龕相對處天竺古先生

朝市厭喧喧紅塵隔故園羣星低艸墅疎雨曠江村才

媿東山卧常傾北海尊寸心持未斷祗是報君恩

海虞方疏 卷之五 五
最憐幽竹徑常得閉禪關流水意無盡白雲心自閒
餘容就榻卧起復看山澹泊真吾事清風詎可攀

送寬上人游方

傳經雙樹下一錫老空林以我初禪意依公獨覺心
坐聞清梵發行向白雲深想到千峰裏煙霞不可尋

林居

自得端居趣深林獨掩扉片雲騎樹色一雨澹湖暉
寂寞玄知是文章老覺非唯應狎鷗鳥與我對忘機

雲陽寺逢徐萬吉

下馬相逢處雲陽鐘暝時經年常作客嗜酒易工詩
嶺

月澄潭影山風吹桂枝憑君話羈旅鄉思轉安其

金山寺

相將下翠微乘興欵禪扉巢燕窺人語出花點客衣
梵音聞處處境想入非非予亦甘栖隱何年白社歸

宿禪房

一榻下禪林偏怡靜者心高齋今夜月獨卧碧雲岑
澗水侵堦合松靈入戶陰人天栖晏寂吾欲遂抽簪

陽臺宮作是司馬子微成道處

天隱巢居處連峯入與區白雲辭帝闕青鳥會仙都
月冷猿聲斷松虛鶴影孤此中消燕坐何必問蓬壺

春日遊北山

孫七政

谷口結幽侶悠然愜遠襟
花隨碧澗去山共白雲深
鳳思名岳麋鹿愛長林
何事桃源路千秋更未尋

戊午莫春積雨同化之唐大謝大錢四汎舟遊吾

谷

過雨綠如剪桃源正好尋
山光艸際碧春色渡頭深
共逐飛花去相將濁酒斟
寒流亦清淺何自隔塵心

送沈嘉則還越

有序

伏枕間忽在嘉則畱別之作有云貧賤未爲苦翫
多不平感君知己荷君情深遂和來韻以旌別後相

思之無已云

海客挂帆去曉猿猶自驚
滄洲一片月此夕爲君明
物外已懸解人間任不平
心知別鵠操絃絕獨淒清

至夜夢神仙授藥至日有喜

陽和布漢日寒谷變鄒年
煉藥方初秘臨風意欲仙
鳥鳴俱是律雲起盡非煙
寄語知音者王孫碧海邊

孫將軍招飲大石山房

海畔春陰結山家莫靄凝
步兵畱醉處長嘯有孫登
汲石分仙澗然爐借佛燈
時平多勝事乘興卽携朋

汎尚湖

莫雨清溪上寒江橫數峰孤舟泝煙水幾處落芙蓉但
覺滄浪遠都忘綠酒濃漁郎休問姓全是海鷗蹤

同梓堂鄧虛岳周方溪陳三先生于東塔禪院觀

休公十六羅漢像

改定少時作

果證三千外圖傳五代前幻塵週歷劫清靜獨諸天定
久彫琪樹心空現碧蓮何殊虎頭筆開室滿雲煙

晦日同皇甫司勳遊拂水禪院

放達得真賞風流多逸才春邀仙子佩夜向法王臺雲
磬盃前落曇花曲畔開但教玄度在明月不須來

雨中探桃花澗

二月飛花急相將谷口尋仙源雲外杳春色雨中深碧
海疑煙駕青山堪陸沉何年芳艸路不負向平心

三月三日雨後登大石別莫廷韓得雲字

結客中林伴尋芳曲水濱衆山畱莫雨孤壁斷春雲藉
艸飛英遍探泉小洞分不堪王逸少今日惜離羣

春日遊破山遇雨

春遊不覺遠幽勝轉無涯雨送一峰磬雲埋半壑花暗
芳遙愛識空翠濕還賒歸處渾迷徑翻疑洞口家

渡江

孫樓

鼓柁沿江滄羣山帶郭斜遙看廣陵樹翻憶故園花帆

影聯前浦鉦聲隔遠沙金波浴明月人世有乘槎

辭家

仗劍頻揮涕高堂念白頭如何遠遊子此日隔南州客
夢燈前雨鄉心江上舟家人折楊柳愁說是涼秋

讀謝疊山傳和韻

海上龍舟覆妖氛塞九州逋臣心欲折故國淚難收此
日空成恨當年誰運籌先生凜孤節江水共長流

寓館兩辱洛南陳翁寵顧奉謝

幽居頻枉駕公退不鳴騶東閣延賓相中朝結襪俟鶴
鷄應附托蘿葛易綢繆感遇從今日門墻憶舊遊

贈徐盤谷

九曲藏春塢吳關廿里遐桑麻堪避世雞犬自宜家市
上韓康藥園中董奉花長安身大隱十載夢煙霞

寄題孫京兆龍川公凝翠亭

蔣徑開南國喧囂寂不聞綺疏搖翠影斐几襲清芬似
聽瀟湘雨應移渭水雲悠然兼吏隱解帶日娛文

湖上與莫雲卿舟宴得青字

淑景移文侶蘭橈午暫停帆前雙鳥白鏡裏數峰青繁
吹歌聲合雲深野色冥年來謝盃酒那可獨爲醒

與陸蕙田夜坐

海虞文苑 卷之五
一尊雙白髮相對各依然把袂欣今夕披襟憶往年灼
薪譚舊雨刻漏課新篇桴棹休嗟晚堅冰正滿川

曉鐘

報曙一何促疎櫺逗小明隨風聲忽墮帶月韻俱清急
景催難駐殘夏夢未成愁心竟茲夕不奈候蟲鳴

憶尚湖

邛憶西湖上澄波宛鏡中短橈蘆荻月長嘯芰荷風浮
碧三千頃來青十二峰如何辭勝賞三載跡飄蓬

循劍門登拂水

孫柚

携策重岳去冥搜歷翠微石門虛籟合晴壑澹煙飛紺

殿明秋色丹崖媚客衣夏尋禪寂處松下扣柴扉

大石澗

窈窕空山路言從勝侶過寒岳飛瀑滿秋澗積陰多落
日低平楚輕雲映遠波悠然玄賞意清嘯寄煙蘿

遊頂山寺

廢寺斜陽裏孤僧落木間偃然成笑晤相對隔林山門
接暮雲淨橋橫秋水閒向非投別約何事抱琴還

宿破山寺

清晨結幽侶窈窕入空林嘉木籠煙暝寒流度壑深鳥
依脩竹下雲卧落花陰寂寂栖禪意松窗片月臨

田居咏懷

蚤知生是幻因與靜爲鄰鶴性難諧俗鷗心不累貧坐
深林際月耕罷隴頭雲試看營營者徒令繫此身

春夜藤溪玩月

花逕春來好閒情晚更深翛然物外賞薄莫坐長林竹
際河流沒松梢月暈侵只愁花上霧不散作春陰

月下卽事

陳五常

翠樹撐明月晴霞駕彩橋風高林氣爽花睡露華饒恍
惚山岬曉淒清玉宇遙良宵情不極子晉欲相招

哭蒼野王公雲江錢公陣歿

矯矯鳳皇羣揚兵江海濤紆謀期共濟携手許同心決
戰雙星殞全軀萬恨深書生抱私痛倚几獨哀吟

輓塾師王夢麟

張繼詩

避世牆東客河汾講席存青瑣爭下榻素帷遽招魂伯
道天難問千之教自尊誰憐五經笥寂莫古松根

筠塘雅集

時壯行

地近山偏好人無俗是仙長教松竹伴莫使薜蘿牽翠
色流虛閣寒光落酒筵高懷空慕遠何處覓彭錢

金沙寺

姚煦

泉澗脩竹遠寺倚畫溪開一徑扳幽去千峰擁翠來藤

花磻影落蘿壁鳥聲迴禪榻忘言處臨風啜茗盃

張公洞

仙從黃石去洞自赤烏開福地封丹竈壺天秘玉臺冥
搜仍列炬玄覽更持盃爲問青驪迹人間幾劫灰

春日大雪湧興

錢繼科

澤國春如臘山山雪亂飛幽人耽晝卧白日掩荆扉寒
入琴床冷天空樹色微梁園慙未賦城上莫烏啼

春日與仲思德載汝瞻宴集丹井亭

鼓竹逢斗牛孤亭結翠微偶來歌棣鄂相與典春衣對
景傷流序持盃戀落暉謝遊真勝賞沉醉不言歸

爲杭僧題卷

錢審言

携栢逢上士仙迹武林來帶月辭三竺携雲向五臺坐
依岳畔艸落盡嶺頭梅借問松枝去西行幾歲回

春日雨中登大石山房拜外王大父西川公

雨裏青山色依然自昔時年年生碧艸樹樹長璫枝人
老迷荒徑恩深戀舊祠還憐漱石處蒼翠護題詩

山齋坐雨對瓶梅喜薛雲卿過小酌

落落乾坤內高齋寄此身流光細雨濕清興折梅新忽
枉隱淪駕因共羅浮春會晤苟如此升沉何足論

訪髯道人不遇題竹

蔡儒

高坐遊何處虛堂一磬懸雲寒丹竈火風細篆爐煙欲
去花遲客畱題竹當箋師蹤不可問應入小壺天

綠陰晚坐帶月步扣念西禪室

張祖科

爲愛清和景携尊綠樹間清言忘永日幽意共雲間微
靄滋空翠飛嵐落遠山塵心坐來淨乘月扣禪關

遊賞

徐培

地澗重林迴溪迴別墅賒畫橋停客騎高柳隱人家屬
玉行春水鷓鴣坐晚花芳時堪物賞取醉卽生涯

夕望有感

江上殘陽暗原頭遠燒明風煙淒暮色艸樹雜水聲
石無來雁遼陽未息兵傷身孤劍在垂老氣難平

石無來雁遼陽未息兵傷身孤劍在垂老氣難平

客懷

客舍蕭蕭裏臨風攬敝裘囊空消氣色歲晚念交游白
露蒹葭夕青山桂樹秋欲隨鸞鶴侶長嘯問滄洲

寫懷

老去還行路貧來每別家入春知物候羈旅惜年華城
柳愁邊色江梅夢裏花青山如問隱處處有煙霞

走馬燈

薛志學

誰手生烽火長驅不夜城銜枚疑有伏捲甲去無聲莫
訝沙場遠須馮圻堠紛紛戰殊苦疇與勒功名

送邵麟武北上赴部

浦大治

憐君天下士投分識于將慷慨持神鐔翱翔入帝鄉攀
轅看意氣托酒訊行藏馬首雲千里何如別思長

秋日還家山集顧漢卿清閼閣

桂樹幽棲處秋風滿谷涼晤言臻窈窕吟嘯寄清狂斐
席瑤華映芳尊歌吹將飄零藉君在客思坐相忘

河間道中

瞿汝稷

廓落將何適行行東北馳青雲逢對酒白髮幸耽詩霰
雪欺征騎禽魚失故知蒼茫天地莫若木繫余思

幕府寺達磨洞

丹壑一谿通桃花萬樹紅化城迷去處游策盡穹窿洞
口星辰上江流枕席中蒼茫天地莫折韋竟誰同

嘉善寺石谷峭石四立中虛若小舫

白雲看自好况復碧山隈偶逐仙衣往因過野寺來側
身蒼石卧容膝翠屏迴何幸當幽勝光風轉綠醅

燕子磯

孤嶼江天莫清輝望不窮影涵河漢盡瀾湧月華東積
石疑驅海危亭欲御空何須緱嶺鶴宴坐歷鴻濛

觀音閣

珠林入望幽秀聳碧江頭峭壁遙侵漢飛軒半枕流翠

海虞文苑卷之五
濤三峽遠赤縣一杯浮若士今何許吾將汗漫游

三台洞自觀音閣循江而左至佛寧門奇峰秀壁
變幻不窮洞直其勝之一耳

山氣擁江千春風汎曉湍峰奇雲競變洞杳日常寒曲
激隨鷗度長林伴鹿看到來無不愜每羨夏盤桓

雨中有懷無辱

寒雨迷津樹懷人倍黯然宿尋何嶺寺行泊若溪船別
夢貪相逐勞歌悵莫傳江山應歷處無地不心懸

雨中過藤谿訪禹錫

徐漢稭

碧雨暗江濱空林路不分悠然懷勝處無惜遠尋君門

鎖寒潭竹窗含綠樹雲願言從辟世長此謝塵氛

寄邵麟武司理

一葉漢陽下荆門俱素秋美人今夜月清嘯武昌樓思
入郢南調情懸芳杜洲不知滄波吏曾爲想輕鷗

過三元堂

探幽到真境寥泲聽風泉疎竹帶春雪澄潭寒莫煙一
堂雲嶺合千樹石門連恍惚聞鸞吹遙遙遲羽仙

夜集錢侍御山亭

甲第何蕭爽霧源夏鬱盤綵雲畱欲任仙客許同歡莫
竹藏山翠秋光帶月寒清暉娛未足猶戀露華團

題獲庠尊經閣

陳禹謨

高閣臨橫舍行山似列屏
虛窗堪眺遠重席好譚經
簷鐸乘風度庭槐得雨青
光茫遐矚處應是燦文星

元日逢春二首

東國來東客春朝值歲朝
菜盤隨柏葉彩勝映星軺
地燠寒逾減時夏景自韶
計程鄉思切展覺路迢迢

流光客裏度元旦倏茲辰
臘隨來處盡年逐去程
新州木皆生意乾坤一旅人
莫愁行役苦有脚是陽春

梁溪返棹憇虎丘東塔院

回橈入海湧梅雨正霽
靈籟寂傳清梵樓高俯碧岑
攤

書銷壯志攬鏡失雄心
老衲時瞻對庭前柏子森

中峰

爲尋幽勝處渺在數峰間
竹密迷來徑崑高眺遠山
飛觴遊客少卓錫老僧閒
坐說無生話白雲任往還

夏日安小范叔姪邀遊南林西林 嚴澂

久雨正愁濕乍晴還苦喧
下君徐孺榻入我辟疆園
適意任爲樂忘機無片言
山頭饒紫氣我道豈斯存

又

村幽絕塵事野曠夏西林
殘日雲霞氣涼風蘿薜陰
悠然中散地遠矣伯牙琴
汎汎月明棹滄浪正爾深

薄莫遊靈隱寺

繆玄

言過靈隱寺移屣夕陽殘石竇泉聲咽松梢月色寒奇
峰迷宿靄清磬度危闌坐久塵心淨應從世外看

阻雪黃州道中

繆希雍

歲晚猶爲客黃州雪裏過遠看銀嶺出仰視玉星羅野
店聞雞蚤寒窗見月多此時盃酒盡鄉思欲如何

送蒙城李射聲

中原推猛士少小人軍門俠烈堪同歿肝腸可報恩自
言當一隊準擬破千屯引領平驕虜方知不素餐

過子陵祠

昔賢垂釣處餘靄暗江津高蹈遺明主清風起故人客
星千載耀山色四時春一自狂奴去于今少逸民

井月樓夜飲

邵鏊

興欲乘高發狂知任俗嘲山雲冉冉野水北勞勞伴
雨分春菊思琴隔夜焦醉來還一笑萬里舊時橋

庚辰初下第作呈同年諸友

南國秋風裏與君佳氣同三年半行役一日足相逢獻
策身猶在匡時意不窮功名誰浪取吾輩豈吳蒙

石湖同王玄靜夜時有卜居之感

江湖來滿地風月坐中天山引連村樹橋分隔浦船冷

冷露玉露渺渺動蒼煙萬事鷓鴣拙停盃一撫然

夜宿國清寺

錢達道

冒雨來蕭境虛樓倚沈寥
蘚青封寺額雲白護山腰
剎影當窗見松香合殿飄
塵緣頓消却何待遠公招

隴頭水

征夫隴阪望遙見塞垣深
忽動思鄉淚難爲流水音
淒清羌笛外幽咽漢關陰
未必閨中去空將一片心

出塞

長嘯胡沙淨沾衣爲李陵
選材分楛矢開獵下鞬鷹
繫虜屯玄兔延荒過白登
坐令邊貢入不犒左賢繒

登達觀亭

徐待聘

危峰盤曲磴雲際聳孤亭
海浸遙天白山連遠樹青
人觀空色界長嘯破滄溟
鳥下煙蘿息斜陽在石屏

田家

溪山堪隱處茅屋野人家
春雨芸薑菜秋風槿樹花
小橋通別墅幽徑接平沙
將有西疇事呼兒往蒔麻

秋海棠

金氣時方肅瑤堦花自妍
杖垂嬌欲語葉暗影相憐
舞態宜疎雨香魂怯斷煙
太真初睡足依倚曲闌前

藤谿

嚴澍

結宇在幽谷環流數畝寬悠悠艸堂上日夕面蒼巒三
徑梅花遠一谿藤竹寒噲然作長嘯林壑徧聞鸞

中峰

萬壑幽蹊遠千松野寺深梅花開寶相池水見禪心夕
梵林中靜天寒海外陰願從清靜侶期灑法王霖

折楊柳

嚴濟

嬾嬾綠楊枝千條拂地垂樓前一攀折萬里寄相思祗
怨經時別空憎薄命悲何當逐風絮飛度到金微

游俠

冀北常排難關中每借名博徒交劇孟劍術笑荆卿送

葬千車集論心一國生役民過郡守萬里可橫行

山居雨集

衆壑泉聲集空山暑氣微澹雲塗粉堞細雨點荆扉醉
後依林竹秋先到薜衣滄浪歌未盡遠樹莫禽啼

荅鄒彥吉

何意青雲士能貽白雪詞清光照寂莫高義感支離月
引梁溪夢秋深海甸思本非千里隔愁絕曠佳期

苦寒

悲風鳴四野冰岸迴嵯峨曉日多黃霧寒江失綠波漁
人愁罷釣織女苦停梭南國猶如此窮邊可奈何

遊善權寺尋無着上人不遇

世外龍宮遠香臺嵌碧岑雷書題柱古龍穴護雲深苔
老千年碣花殘雙樹林高僧不可見仙梵度空音

蚤春歷翠微間探梅

出郭情逾適看山興自偏寒松縣莫雨空澗注飛泉海
色粘天白雲光抱石鮮南枝花恰放殊得酒人憐

種竹

偶爾移新竹嬋娟短墻浮雲殊有托好鳥便相望色
借琴書潤聲吹枕席凉夏憐疎雨夕彷彿在瀟湘

吳臯情過虞山適卧病不及招邀扁舟忽往投詩

相贈訂再來之約賦此荅言

卧病戶常扃聞登望海亭落花期掃徑春水忽揚舲郢
客勞歌雪荀家未聚星重來秋色好醉殺北山青

雪霽道時兄招遊不赴

雪色開初霽清光入榻明雲栖春樹冷冰破綠波生汗
漫遊仙與妻其卧病情遙知歡賞處歌妓撥銀箏

春日自藤谿登拂水岫

顧雲鴻

一杖入叢菁春泉處處生岫侵湖墅近崖豁海門平雲
徑分樵出風林帶鳥傾盤迴千嶂盡下界一雞鳴

還山三首

蚤得滄洲趣今償岐路辛風塵清役夢天地乞間身白
水能徵約青山欲傷人此中堪自王吾亦愛吾真
柴門一以杜勝事日相因移竹聽初雨披花出故人石
衣行地古野鳥隔牆新忽笑朝來夢風塵易水濱
十畝藤蘿合香風絡四鄰石林晴閣霧花徑晚搖津坐
月陰森夜聽鶯寂歷春由來靄勝地有與護樵新

遊三橋

金秉忠

匹馬春風裏三橋夕照時石幢欹野寺古木匝平池流
水去何盡閒雲歸未期行山堪倚杖暝色亦相宜

夜宿崇興寺蚤發太行北頂

尋磬入禪寺觀空息萬緣鳥杙雙樹暝僧定一燈縣境
寂塵喧外心閒慧照前明晨躍去馬山色滿行鞭

題尊經閣次錫玄陳先生韻

閣靜鳴風鐸巒迴列霧屏瑤函緘秘錄綵筆著玄經座
攬山腰翠窗搖木末青夜看奎壁度應已聚文星

選卿弟卜築新居婁江王元馭先生取白傅詩意

題曰餘適山房勉構短章以贈 陳允恭

一畝幽人宅脩然此結廬青囊千樹杏丹繫五車書北
徑閒情適西山爽氣餘艸玄仍尚白真是樂天居

遊興福寺

范樂善

出郭尋幽寺秋光滿翠屏新楓霞借紫古木薜分青客
到雲爲伴僧間室自局悠然坐危石何處水泠泠

題又玄張伯子餘適山房

陳國華

寂寂翠微徑悠悠山澤姿關心惟藥裏照眼有花枝玩
世睨玄艸遊仙茹紫芝間來真自適物外更何思

賦得涉江采芙蓉

金定樂

秋江連碧落夕吹起青蘋桂櫂聊容與芙蓉媚遠津
攀芳波影動摘葉露華新余亦悲秋者爲棠學楚臣

秋日同諸君集嚴端伯流雲館

曲讌徵犀彥爲園塹一丘踈簾松韻晚高館桂鼓幽石

瀨晴猶瀉潭雲澹不流况當山月吐何待主人畱

廣陵夜發曉次瓜步

方舟倚瓜步殘夢戀蕪城捲幔占風色推蓬過雨聲嵐
容千嶂幻霞彩半江晴鷗鷺親歸客時來鷓首迎

登甘露寺東樓巖中秘

拾舟遵北固遊目衆山橫遠勢尊鍾阜迴岡結甕城天
岱沙岸澗江入寺樓平獨有皇華使遙含魏闕情

遊焦山

長波浮積翠危石擁花宮寂歷孤峰迥微茫一葦通披
銘譚瘞鶴訪隱羨冥鴻夕吹傳清嘯餘音激遠空

愛妾換劍

徐崇誠

自愛芙蓉劍，鼎君碧玉英。寧論蛾黛綠，翻喜鷓鴣明。寶匣紅光動，朱樓淚雨傾。憑將報恩意，消得可憐情。

秋日同諸子遊錢侍御小輞川

徐崇賢

宛轉臨湖上，茫然空世情。高臺銜莫景，疎樹動秋聲。雲過鹿眠醒，煙消鶴夢清。名公畱藻翰，彩筆故縱橫。

謁先武肅廟

錢爾光

霸業今何在，空江水自流。英風堪百世，祀典足千秋。草色侵堦沒，鶯聲遶樹幽。蕭條懷古意，瞻拜不勝愁。

春日過又玄世兄新居賦贈

薛胤龍

短砌開蓬徑，居然仲蔚宮。栽花招酒伴，刷藥問山童。別圃香時近，重扉路可通。前峰晴色好，掩映畫樓中。

金山僧舍懷歸

錢希言

寂寂空門晚，鐘聲濕翠微。渚煙和月聚，沙鳥背僧飛。北固帆猶阻，江南信尚稀。到家三日路，未得換春衣。

曹娥廟

斷煙荒竹裏，寂寂女郎祠。像古銷金粉，碑殘剩色絲。江聲猶想淚，山翠總如眉。立馬增惆悵，乘潮問渡時。

夢回

月落樹頭鴉，帆開鼓亂撾。不知身作客，空有夢還家。楚

水漸難到吳山霧半遮朝朝風浪裏吹得鬢成華
泊蘄陽江上見月

秋滿蘄黃岸勞歌此夜淹斷沙痕漠漠新月影纖纖野
樹平連郭江峰亂插檐明朝理愁鬢怕有薄霜添

春雨

艸間濛委露石際濕新雲舞燕迎風起鳴鳩隔樹聞灑
枝花共亞吹沼荇先分羞作陽臺夢抽絲入錦文

春漸

北陸餘寒洎東皇淑令夏帶風流尚咽濺日素逾明薄
比統無質清疑珮有聲如何征客棹江上阻歸程

春柳

芳樹競芳辰東風一度新葉宜微黛着條怯澹黃勻馬
上催歌管樓頭換舞巾折來渾欲寄夫婿不知春

春燈

爭日雙盞出吐夜百花奇鳳腦冰爲蓋螭銜玉作枝心
疑生理結焰似並頭垂待卜行人至重挑未忍吹

春艸

曳虬吹百艸淺綠上平原河畔彌春望邊頭積燒痕弱
翰緘女質芳悅麗人覓遠道歸何日空令思緒繁

張黃岳招飲九峰寺

姚宗儀

海虞文苑 卷之五
吳越千山裏何期此聚星
酒分雙澗綠窗共九峰青
僧寂聽松籟官間問艸亭
明朝馬頭去應自媿山靈

秋日二首

釋法乘

山寺獨經行悠然隔世情
疎林鳥初集茆屋月將生
石壁歸雲亂雲堂入夢清
禪心何所似寂寂嶺猿聲
獨坐茆簷下經殘落日斜
澄江度寒雁古寺集歸鴉
夜氣浮金錫虛窗藉彩霞
定回山更寂香散月中花
上元次日偕一雨仲書二丈
過釜山望海夜歸
翫賞逢佳節登臨壯大觀
亂帆衝白浪孤嶼急迴湍
樹色雲千里江聲月幾灘
行歌兼坐笑歸棹夜將闌

火神廟僧志行殊苦出卷索詩爲賦廟在王觀察

園中

釋慧秀

事火傳迦葉開莊說輞川
因叅談慧地得住淨居天
門爲祛塵掩燈將習觀
縣城烏知石磬鳴繞二時偏

樵雲

釋正觀

樵徑入雲壑叅差遠岫微
蘿煙時冒笠松露忽沾衣
透澗聞泉響穿林見鳥飛
崦嵫來暝色結伴帶星歸

采藥

釋圓融

忽起餐霞思尋芝問赤松
三花依洞口九節秘山中
丹鼎初停火金鳧欲御風
行行訊劉阮谿路桃花紅

送沈飛霞歸梁溪

張惟默 羽士

一從新水漲相送卽乘流芳艸隨春發征帆落日收江
山寧有阻音問亦堪投歸到梁溪日翬花滿舊遊

秋江晚霽

空江歇疎雨餘濕明丹楓雁度煙光外帆收秋色中潮
回出浦淑日落動魚龍欲采芙蓉去伊人不我逢

夏日金雅少過竹下避暑得蟬字

竹暗疑青靄藤陰響素蟬據梧憐鶴瘦掃石愛雲鮮幸
狎高踪客同題小隱篇幽觀可銷夏浮世任茫然

海虞文苑卷之六

邑後學張應遴選卿甫輯

七言律詩

送元戎趙公

張著

海國孤城百戰餘朔風吹雪灑穹廬天門西上瞻龍袞
邊使南來接羽書殺氣自隨雲鳥陣將星長近斗牛墟
滄江獨有乘槎客清夢無時遶闔閭

秋興用杜韻

莫天空碧歛斜暉玄武勾陳接紫微夜靜斗杓當北轉
秋高雁影向南飛月宮丹桂香曾染海國黃花節又違

關塞愁人多戰伐此時弓勁馬應肥

載雪舟

雪後山陰遠放舟酒醒深夜絕風流一蓬寒影隨江水
萬壑清光照柁樓蓑笠滄江誰獨釣神僊銀闕自同浮
祇今剡曲無安道何得高情過子猷

過高郵湖

此日重過甓社湖湖光萬頃布帆孤鄰船魚貫青絲柳
埜飢羹嘗白玉蒲夜月明珠藏老蚌東風高浪蹴天吳
他年願乞身閒散老著蓑衣作釣徒

題楊貽穀隱居

黃鉞

愛子茆堂靜不塵扁舟莫厭往來頻如蘭自覺心情古
似夢還驚歲月新架上經書千軸富窗前花木一林春
嚴陵自是輕台鼎相對慙爲獻納臣

弔黃給事叔揚

楊福

江風夜夜鼓洪波江雨朝朝濕薜蘿九辨不回哀郢志
三軍難奪采薇歌手披宿艸狐踪滿夢轉空梁月影多
誰謂百年臣子恨獨聞野老泪滂沱

夏日過友人林居

章煥文

清隱山堂白日殘道人疎懶未纓冠門前垂柳柴桑徑
屋後澄江七里灘涼月好風隨意得斷雲青壁倚天寒

野夫不淺山林興時復携詩訪戴安

尚湖

張洪

嫋嫋秋風起白波維舟無奈客愁何江湖滿地人來少
蒲葦連天雁去多只尺不遑安信宿百年能得幾經過
自憐舊日嬉遊處都被農家插晚禾

姑蘇懷古

吳訥

百雉高城遶碧流中吳風景冠南州鐘聲遠近前朝寺
帆影參差估客舟遺廟于今祠至德義田無復繼前脩
客遊何事思歸切楓落江空雲正愁

朗吟亭

季篴

幾年不到朗吟亭亭上風光覺倍增數點遠山青嶂列
兩湖新水綠苔凝歌謳雲際聲偏響酒瀉松間色愈澄
景趣無邊人意樂不妨携榼日來登

春日漫興

顧立

太平堤近孝陵西春水溶溶漲碧溪岸柳帶煙絲尚弱
渚蒲穿水綠將齊建章簫鼓催鸞舌沙苑塵埃送馬蹄
今日公餘城外去儘拚一飲醉如泥

送客歸湖上

王珙

清風兩岸送行舟歸興匆匆不可畱野渡蓴香秋入夢
舵樓山色晚侵眸衣冠自得煙霞趣畝畝渾無世網憂

海虞文苑 卷之六
更喜近來魚價賤不妨多買薦新筍

從 駕幸大覺寺

程式

青山重疊擁禪關扈蹕來乘半日間谷口花飛隨馬足
洞中雲出護龍顏自因布德行時令非爲尋仙問大還
緩步石林回首望玉京佳氣五雲間

駕宿沙河

雲和風靜樹蒼蒼駐蹕沙河夜未央鼓角聲從天上落
旌旗影向月中揚轅門人靜香初爇帳底詩成酒滿觴
自媿不才樗散質莫年何幸近清光

虎丘訪新上人相遇

陳符

偶謁休公上翠微薜蘿深掩竹間扉錫飛江上雲同遠
松偃庭前鶴未歸貝葉滿床經卷亂藤花堆徑客來稀
三生石上憑誰問詩思茫茫對夕暉

寄張景美

木落風淒秋氣清羣峰如削翠崢嶸江湖空濶魚書杳
雲漢澄高雁字橫絳帳譚經饒逸興芳尊對菊動離情
知君自得林泉樂何日相尋共濯纓

撥悶

錢洪

一別煙霞海上家兩京淪落度年華驅驢遠快燕山雪
對酒空思吳苑花千里關心悲雁素幾回歸夢落鷗沙

鱸魚蓴菜年年美不負新江舊釣槎

送道士王本徵還常熟

客裏思家益悵神何堪今日送行人海東鶴馭乘風遠
江上鱸魚入夢頻珽劍光寒蓬海月玉芝香煖洞門春
要知後夜思君處萬里天壇月滿輪

送別

陳宏

雕鞍歸馬越羅袍海上爭先識鳳毛客路正當三月景
詩懷都屬五陵豪春風吹綠來芳艸曉雨添紅到小桃
別後相思千里隔澹煙雲樹夢覓勞

長洲

河蕪埋沒闔閭宮往事虛傳感慨中
鱈食魚打花鱖淺水租僧占渚蓮空綠煙蔓葛經春雨碧藻飢鳧唳曉風
桂楫蘭舟遊覽處可堪重照短鬚翁

栽桑圖

買得城南數畝園遍栽桑樹傍山田綠藏茆屋千村雨
翠接人家萬井煙紫椹未垂苾種後水蠶先熟落花天
使君儻過清陰下莫對羅敷問少年

贈周岐鳳

錢擘

羨子多才惜未逢年來何處覓行踪一身作客如張儉
四海何人是孔融野墅鸞花春對酒河橋風雨夜推蓬

機心盡付東流水回首家山在夢中

過江

蓬底茶香午夢醒大江風急正揚舲浪花作雨汀煙濕
沙鳥迎人水氣腥三國舊愁芳艸碧六朝遺恨晚山青
不知別後東湖上誰愛菱歌倚棹聽

送宗兄理半冠帶南歸

錢昕

露落秋江冷白蘋陌頭歸騎蹴香塵別君爭似逢君好
在客那堪送客頻烏帽錦衣昭代寵碧梧翠竹故山春
從今謝却人間事林下清風一散人

石頭城

徐恪

誰將折戟委空濠割據常懷戰伐勞南國帆懸湘水濶
北江煙漲楚天高隆中籌策終存漢許下衣冠媿屬曹
試問石頭磯畔月幾經烏鵲散林皋

題朱仙鎮岳武穆王廟

汴洛腥膻寢廟空中原恢復仗英雄黃龍未遂長驅志
汗馬猶存舊戰功貔虎散歸烽戍老河山遺恨古今同
西風一掬懷賢淚灑向荒祠夕照中

遊朗吟亭

桑琳

茶竈生香渴睡醒尋仙直到翠微亭苔荒石井飛丹鶴
露濕瑤臺掃落星湖水盡邊孤鳥白海天空處亂山青

浩歌一曲招黃鶴，便欲乘風過洞庭。

團瓢清唱

睡起蒲團晝景長，刺桐花落石楠香。
瑤琴罷舞水絃斷，野服栽成白葛涼。
馴鹿銜花來獻佛，狂蜂採蜜去輸王。
綠陰滿地清如水，靜看丹經坐石床。

與石田遊西岳禪寺

桑瑾

西岳一曲入山遙，風送花香落酒瓢。
行盡清溪方見寺，忽逢飛瀑又凭橋。
低低茆屋霏茶靄，遠遠鸞聲在柳條。
自笑此生真落鬼，薄遊又赴遠公招。

重過揚州有感

桑瑜

書劍長年事遠遊，南歸又復過揚州。
西風香冷瓊華觀，明月歌沉燕子樓。
芳艸昔曾畱鳳輦，垂楊無復綰龍舟。
空餘城郭依然在，落日寒鴉噪晚秋。

半畝園間坐

巷僻橋危客到稀，綠蘿牽蔓挂柴扉。
花薰蛺蝶迷忘返，州醉蜻蜓墮不飛。
竹粉未乾朝露重，茶煙輕拂午風微。
此中靜坐終吾老，免得紅塵又染衣。

莫春有感

季鶴

獵獵天風振客衣，小樓閒倚事多違。
梨花帶雨寒猶泣，桺絮沾泥濕不飛。
隔屋黃鸝驚曉夢，舊家玄鳥識巢歸。

東鄰有酒今筍否欲解愁城幾日圍

拂水出

連樸

縣崖瀉瀑三千丈界破嵐光翠幾重
躑躅飲泉低赴壑玉虬噴沫倒凌空
晴飄雨點飛雲濕晝灑水珠就日融
願得神功歸盛夏化爲沛澤濟三農

贈曹內翰廷瑞歸省

朱鉉

封章幾度達金扉應念高堂定省違
鳴佩未辭紅日去歸心先逐白雲飛
一蓬細雨花邊暝兩岸青山鳥外微
此日都門重回首西風岐路儼駸駸

禁苑聞鶯

館試

李傑

王殿朝回緩步行綠陰濃處亂啼鶯
間關似喜遷喬木宛轉多應念友生
樓外遠聞歌管調花前時雜珮環聲
重華不愛如簧語莫向天門弄曉晴

秋雁

八月秋風塞艸黃遠辭沙磧向南翔
洞庭水濶迷蘆荻雲夢秋深足稻梁
幾點帶星偏寂歷數聲和月倍淒涼
只今夷虜方臣伏無客傳書到故鄉

送道士

稜稜長劍拂層霄誰識仙人王子喬
閔苑鶴歸秋月冷海天雲盡碧波遙
竹爐有火金丹就瑤鼎無煙柏子消

我欲共君凌紫府暫將蹤蹟遠塵囂

登朝天宮後山次韻

飲酣移坐綠槐陰怪底平林卓一岑遙望帝城金闕迥
下窺仙洞石門深衣中颯爽天風拂几席蒼涼野色侵
却歎長年在塵世蓬壺只尺未能尋

九日登虞山

王鼎

客路欣逢重九來強扶衰病上崔嵬江流斷岸楓初下
山意驚寒菊未開禪客獨眠雲宿處羽人相伴鶴飛回
一年好景雖虛負歸坐蓬窗把一盃

詠雪和蘇韻

僧居實怕茶煙濕歌館須憑酒力嚴積夜寒欺雲母帳
入簾光鬪水精盞玉川興盡回孤棹冰柱明看映短簷
柳絮向風怜謝女故教飛點兩眉尖

維摩寺

錢仁夫

蔓艸芊芊沒寺門古碑殘缺已無文敗簷猶滴夜來雨
高樹自屯窗外雲佳景故容僧管領禪床時許客來分
傳呼且莫穿空谷下有松間飲鹿羣

碧溪

桑悅

五兩篔簹衣百尺竿碧溪十里足盤桓卧分芳艸爲衾枕
坐愛清流照肺肝花落無聲雲影動鳥飛不度鏡光寒

平堤多種芙蓉樹惟有秋容耐晚看

宿茶陵五峰庵

攀躋躡蹬路盤紆出澗流泉百折餘地戲秫田充佛供
天留松經作僧居數敲清磬紅塵隔一瓣名香黑業除
喜共山雲分半榻通宵寃夢寄空虛

贈蕭時清

十里螺湖如掌平開門正挹滄浪清偶逢道士贈丹訣
閒課山童抄酒經晝長燕子飛入戶春盡樹陰鋪滿庭
近來聞說有奇事賣藥脩琴曾到城

服闋赴部途中夜泊

陸潤

間向磯頭步綠苔小船今夜不須開恩親不盡三年淚
治邑原無百里才竹榻茶煙香正繞蓬窗尚煖月初來
此心自許同葵藿又上黃金部隗臺

涿州道中有感

西風颯颯灑征裘笑指寒煙是涿州人踏清霜山店曉
馬嘶紅葉驛亭秋黃花有意能驚眼烏帽無情却戀頭
我願將軍休出塞但將牧事壯皇猷

登太白樓

錢承德

騎鯨仙客已長游突兀乾坤見此樓一代豪吟殊跌宕
千年遺跡更風流眼看形勝來曾幾手摘星辰飲未休

百尺闌干固無恙後賢誰不慕前脩

碧峰

陳播

高插孤峯天際頭
僊家隱隱住林丘
人間始信有三島
海外何須問十洲
翡翠搖金山雨歇
芙蓉削玉海煙收
捲簾終日間相對
忘却紛紛寵辱憂

山行卽事

桑翹

沙溪曲曲繞山程
小艇推蓬自在行
綠樹人家臨澗僻
白雲僧寺枕流清
雨晴藏柳鶯敲滑
風軟穿花燕翅輕
無限韶華誰領畧
狂來都付一盃傾

西莊湯輿

選勝臺成夏有亭
半依鶴嶼半鷗汀
迷風波影千層碧
着雨風環萬疊青
間約東山人對奕
偶從西竺衲譚經
博山未燼茶初熟
好鳥啼花晝掩扃

經大理下門

陳察

海上蒼山當面立
馬前清靄逼人來
峰巒雪點中天翠
澗壑風驅下地雷
南詔舊愁芳艸合
西川遺恨杜鵑哀
江湖僂欲浮槎返
猿鶴休將過客猜

焦山寺

萬里西陲共正冠
高秋尊酒又層巒
鶴畱晉迹芳洲繞
鯨負梁宮巨浪安
新月近人隨處白
寒潮奔海拍天寬

遊歌豈直浮生暇千頃黃雲入勝觀

泰山雪後

姚奎

曉天紅日放高晴小坐山輿踏雪行
凍樹裏花春有迹寒溪結玉水無聲
煙銷絕頂羣峯露風度虛岫萬籟生
老衲雲深知我過數聲清磬出松迎

尋春

丁奉

尋春北去繞湖濱杜甫江村興復新
老態儘隨花靨笑浮生休學柳眉顰
穹林綠傍高帘雨曲徑紅沾短屐塵
青眼同遊曾過許百年天地一閒人

扈駕謁陵次沙河奉和謝侍郎韻

楊儀

太平基業壯山河百載繁華雨露多
芝蓋欲移春甸曙蒼龍初駕惠風和
鼎湖弓劍攀何及漢世威儀此復過
惟有子雲親侍從甘泉新賦出鑿坡

聞雁

十四歲作

鐙暗窗虛夜不禁忽聞塞雁欲沾襟
北書不至月當戶南國初寒霜滿林
萬里碧秋秦嶺澗一聲黃葉楚雲深
高風零落知何處庭院蕭蕭空莫砧

拂水岫迫和石田先生韻

三度春遊信有緣平生躋勝一身僂
流觴轉壑懷前哲落帽迴風記往年
縹緲歸途依絕壁蒼茫吟杖濺飛泉

海虞文苑 卷之六
坡仙賦就誰能繼已許山僧買石鐫

遊仙祠紫府觀道中作

鶴背逍遙月正中石壇旛影動微風金芝欲秀根先碧
玉炭無煙火自紅新領八霞分禁署暫遊三島叱飛龍
莫教濁世輕相訝路隔彤雲有幾重

寄都下故舊時奉使江西將乞休沐

匆匆去國劍生塵千里親知入夢頻筆硯久荒人事廢
松難理客愁新江籬過雨香迎棹海月侵城影送人
迴帝鄉非宿願季膺元只戀鱸尊

甯徐邑侯宿大慈寺用壁間韻

萬里長江遶玉樓水光山色坐生幽星河當檻手可摘
艸樹浮空翠欲流潮響不妨禪榻定雁聲忽報塞垣秋
蓬萊東去無多路我欲乘風豁壯眸

霧陰寺逢唐山人

宦跡真如踏雪翁冷泉亭畔偶相逢意中邂逅辭難達
客裏幽奇興未窮三竺煙霞天上下六橋歌舞岸東西
明朝又有看山約夢遶南屏十二峰

霜露馳思

陳翥

不孝承乏吉安郡膠之四年歲重光大淵獻霜露旣
降之候夢歸虞阜之下祭掃先考妣墓薦豆酌觴如

在松風艸露之間既寤不勝惻愴枕上悲吟不已勉
成二律以舒不孝之情廬陵士大夫聞而和之遂盈
卷帙方伯李白州先生題其端曰霜露馳思云
雙親埋玉碧山隈千里松楸一夜回曲澗依然流活水
穿碑仍舊瑣蒼苔鴨鑪火煖香蒸霧馬鬣煙籠紙化灰
覺起空庭明月落淒其風木不勝哀
隱隱堂封枕澗隈山霧迂我夢中回地鍾佳氣生芝艸
樹覆濃陰長綠苔去國不知遺迹遠冥恩未許此心灰
可憐譙鼓聲敲斷木落烏啼更助哀

晚過獻吉齋所

徐昌穀

端居聞子肅清脩吏散鴉啼省署幽芳艸不知人獨往
空山何意鳥相求開軒歷歷明星夕隱几蕭蕭古木秋
自昔風塵堪吏隱浮生莫遣有離憂

送耿晦之守湖州

遠下吳江向雲川高秋風物倍澄鮮鷓鴣菰葉翠相亂
錦石游鱗清可憐郵渚撾頻津吏鼓漁歌唱近使君船
吳興峴山足勝事漢水襄陽空昔賢

贈別獻吉

爾放金雞別帝鄉何如李白在潯陽日莫經過燕趙客
解裘同醉酒壚旁徘徊桂樹涼飈發仰視明河秋夜長

此去梁園逢雨雪知予遙度赤城梁

送廬陵楊貳尹

何卑執戟謝京華却愛河陽縣裏花不爲遠師招白社
擬從勾令覓丹砂青天挂席浮明月螺水迴舟勝若耶
莫學南昌隱君子離羣獨拂五雲車

後湖夜宿

錢籍

夜宿玄湖事事清霧香風細碧雲輕月寒暗度飛鴻影
山靜遙聞落木聲漁父此時堪弄笛仙人何處不吹笙
登臨放酌真成醉歌罷青天斗柄橫

采石弔李白

謫仙樓閣本清虛采石何年構此居山色供詩幾殘剩
江流作酒故羸餘月疑顏面丰神迥雲想衣裳宮錦舒
却恨騎鯨向寥廓空畱聲價比璠璣

七夕寓金陵

今夕何夕天風香爭傳織女會牛郎烏鵲作梁紫綵障
丹霞爲衾白玉床相逢各說鴛鴦夢一笑同傾蘭桂觴
歡娛無奈長庠曙淚灑銀河怨七襄

和袁訪雪遊觀音閣韻袁舊同寓燕臺嘗有賞雪
詠梅之句故并及之

野寺秋深見白蓮飄風殘葉重相憐共嗟江水流難返

且喜山雲斷復連賞雪再期今歲樂看梅須續舊時聯
五陵客况同蕭索莫謗言歸促錦鞵

閏七月七夕和水西徐公子韻

七月置閏天亦巧烏鵲有情河再填平增秋興自今夕
攪動春心異往年佳人重整綵樓戲詞客更著銀河篇
飛星暗度盈盈水舊恨新愁第二傳

題畫贈王都憲

鄧韞

絳節南來紫氣浮古臺形勝卽仙丘三山帆影城頭見
萬井煙光座上收芳艸幾經江左事長岡應待謝公遊
烏衣畫戟王家第日覩秦淮傍檻流

登京口甘露寺遇雨

鐵城高處見雲生步入青林送雨聲眼底忽驚羣嶂走
倚闌惟有大江橫帆從萬里煙中落鰲戴三山地上行
滿目興亡竟誰問白綸揮羽看潮平

觀音閣晚眺

平明雙槳破輕煙小閣憑虛自黯然消暑石堂偏障日
染秋江練正浮天權歌何處聞桃葉滴酒無人酌謫仙
舉目不禁鄉國異中原猶在碧雲邊

安民泰索題膠山寺雨泉堂

翼翼新堂俯碧瀾簷牙飛雪畫生寒坐宜桑苧添高榻

會蘭亭記曲湍玉氣似從仙掌落水符須與寺僧安
風爐好在松窗下我欲偕君瀹鳳團

題沈子魚天潭山房

陳迥

虞山北嶼鬱嵯峨有客探玄卧薜蘿
新雨策筇看竹長暖風開箔放鸞過
紫芝洞古泉長碧鐵杖春深石半磨
感此欲携丹竈火一廬長傍白雲窩

秋興二首

萬里商飈吹白林五陵松柏自森森
馮唐老去辭郎省顏駟秋來滯漢陰
今古乾坤成底事江湖廊廟總關心
夢回伏枕渾無賴孤月鳴蜩催斷砧

神都扼險俯羣山地軸入樞柏顧間桂殿香風傳九陛
霜城嚴角動三關侍臣簪筆曾披膽聖主垂衣數借顏
去國廿年成濩落獨餘清夢遶鵷班

贈嚴敏卿太史二首

李勳

雲擁蓬萊落九天夔龍位接袞衣前
書成石室踰千軸賦奏甘泉第幾篇
花近紫薇傳苑漏柳迷青瑣結爐煙
御筵夜半分蓮燭促艸詞頭待曉宣

東壁文章北斗標承恩侍從紫宸朝
煙浮龍袞啼三殿日照鰲峰上九霄
彩筆謗搖丹鳳下彤雲低閃玉堂遙
五車未厭雋書苦天祿青藜夜夜燒

歲莫天雄將歸書懷

三千里外還家夢五十年前許國身
白髮自慚辭聖主青山還擬着閒人
籬邊萸菊秋仍好谷口煙霞晚更新
惆悵楊雄舊時宅薜蘿深瑣太玄塵

送月江上人入寶嚴

虞山山高日吐雲古寺錯落青冥分
鏡裏湖波湛鷗影空中澗道飛龍文
殘鐘不斷和風韻馴鹿時尋卧艸羣
我欲扣禪何處約松關深掩翠紛紛

遠湖爲文先生賦

錢籌

一碧蒼茫萬頃平散人于此獨怡情
半蓬落日天邊生兩岸新秋鏡裏行
宦况久隨鳧雁去夢竟遙落水雲清
憂時素切平生志肯學陶朱竊浪名

仲春挾妓登拂水岫

錢詔

羣巒滴翠共徘徊瀲灩湖光接下台
泉拂峭風疑雨至石撓虛谷怕雲頽
生如夢幻逢僧悟曲上琵琶撥妓哀
落日飛花歸畫舸脚前輕屐掌中盃

挽妓

王諷

薄命真孃事可嗟金閨曾獨擅鉛華
十年多病拋青鏡一歿無歸掩白沙
豔曲誰傳鸚鵡舌香魂空寄野棠花
傷心莫舉西郊目哀柳長堤落日斜

樵讀安樂唵窩東同社

李弗

浪迹澄江二十年故園歸計已蕭然竹疎琴水存茆屋
芝老虞山夢玉田邵子且尋安樂處杜陵將咏卜居篇
興來把酒尋同社爲縛唵窩水石邊

送劉掌教二子迎母還鄉

王卞

祖席歌驪酒未終聯翩雙鳳轉河東故園慈竹還佳色
驛路寒花隱舊叢絲服潤分吳地雨錦帆高挂越江風
欲知此後相逢日雷動桃花暖浪紅

咏白燕和韻四首

時在獄

吳中和

白憐王謝世全非花落東風蝶亦稀金屋朱扉無路入
蘆溪梅徑有時歸空餘奇異封侯額又着尋常百姓衣
遠望浮雲蔽斜日天門何處可高飛

可憐世去事俱非廷尉門前雀也稀華屋杏梁成寂莫
連城名壁喜全歸能行白牡催新句解語紅蓮落故衣
日莫湘簾波影亂差池銀剪看于飛

傳粉何郎事已非眩生銀海看來稀風高碧落飛璫舞
露冷珠宮弄玉歸秋水盈盈沉拱壁湘雲片片剪春衣
山齋寂靜花枝晚喜見瑤光星散飛

掌上風流今已非水晶宮殿轉依稀纖纖約素闕墻去
皎皎凝脂賜浴歸不用鉛華浣天質故栽藕練學仙衣

也知曾自瑤池出，便向翩翩雪嶺飛。

白鷺次韻

邵圭潔

本來粧束竟渾非，應爲堂前舊主稀。社後漸看春色澹，晝長猶帶月痕歸。舞迴掌上無紅縷，送盡東風只縞衣。悵望上林花發處，且隨鷗鳥傍人飛。

甲寅寇變致道觀後古松競伐爲薪

千年福地枕山隈，千樹連雲覆石梅。寇盜忽驚人事變，林泉無復向時開。花陰寂歷仙人井，月色淒涼太子臺。遊客還來啼鳥去，夕陽多處重徘徊。

楚邦藩臬諸公邀登黃鶴樓

嚴訥

層樓雄瞰楚城隄，四野風塵面面開。鄂渚秀峰橫地出，漢江晴水抱洲迴。清虛近接仙人館，綺錯旁臨帝子臺。日莫王笙吹不歇，却疑黃鶴復飛來。

諸將

胡騎乘秋寇玉關，銅鞮塵色暗天山。狼烽直照皋蘭北，羽檄交馳碣石間。按劍九重方赫怒，擁旄諸部莫寬顏。丹青欲繪麒麟閣，須虜名王繫頸還。

自碧雲至善化寺

陳瓚

鳥道摩空去，轉長寒山不盡樹。蒼蒼兩崖中，斷千峰出。萬壑縈迴一寺藏，空水觀成僧定久。煙蘿境寂客心涼。

疎鐘乍息斜陽墮蕭瑟虛庭栗葉黃

重陽後一日同季玉第登寶界

老去偏驚霜葉秋名山聊共季方遊千峰過雨翠欲滴
萬頃含雲碧不流荒艸吳宮煙霧靄征鴻楚甸水天悠
夕陽盃酒隨漁櫂孤思猶懸太伯丘

怡靜沈先生輓章

魚侃

養性林泉樂暮年忽騎箕尾謁鈞天青芻難挽人如玉
白鶴來歸骨已僂山斗名高當世望詩書澤裕後昆傳
不勝景仰垂清淚爲賦招魂倍黯然

秋宵鄉思

陳儒

梧桐一葉報新秋爽氣朝生白苧裘
帝里光陰驚過鳥天涯功業笑藏舟
湖邊畫舫芳蓮度山外清尊素月流
無限鄉心傷宋玉莫雲飛盡獨登樓

七夕泊寶應湖有懷家集

天上清光此夜多鵲橋隱隱架明河
芳辰共慶雙星會曉景偏憐一歲過
砧杵千家離思切樓臺幾處醉顏酡
懸知兒女庭中集側耳關南返棹歌

古店驛次彰明分司壁間韻

李應虞

疋馬青林春事殘落花飛雨點空山
鶻聲不盡英雄恨雲氣猶屯虎豹關
勲業怕看青鬢改塵埃羨殺白鷗閒

闌干獨倚雙眸醒，弱水扶桑指顧間。

登杉木寺山亭

朱召

絕巘徑荒苔蘚滑，幽亭地迥白雲浮。
上岳下岳竹滌暑，遠壑近壑風送秋。
笠澤蓴鱸時正美，湘鄉民隱日堪憂。
山門忽訝馬蹄過，對月枕石成夢遊。

題沈見葵山樓次大司成琴溪韻 陳潛

爭羨休文山外樓，樓前風景小瀛洲。
煙村隱隱湖南樹，帆槩悠悠何處舟。
翠玉拂雲搖晚吹，藕花帶影落清流。
高人不盡登臨興，日莫何妨秉燭遊。

贈垣坡姪北軒新成

錢體仁

古木陰清渠萬玉，飄香水竹居雜珮。
弄香涼入簟，細紋生媚靜涵虛。
晝長罷局堪投枕，盃盡忘機只釣魚。
幾欲乘風臨晚勝，路遙無馬却裁書。

蒲節前二日晚過山塘書事

周宗易

水光山色澹蒼茫，跋涉令人感慨長。
白鳥去邊來暝色，野樵啼處沒斜陽。
英雄今古幾場夢，身世浮沉恍一航。
若較生涯誰穩便，應知溫飽是耕桑。

落花次沈石田韻

黃廷竹

古樹斜陽望轉悠，可堪狼籍滿溪頭。
酴醾夢裏畱香住，杜宇聲中逐水流。
漸積翠茵疑似繡，急穿銀箔不粘鈎。

東風斷送韶華盡白髮紅粧一樣愁

遊沈氏山亭

錢順時

最愛山亭接勝流綠楊搖曳自清幽
叢林春暖啼黃鳥野渚風高起白鷗
滿徑浮香花似綺四山沉影月如鉤
閒塵不染襟懷潤此外紛華豈復求

無題次韻

陸龍

繡帶流蘇裊翠屏紫簫吹罷月三更
塵生羅襪宵征少水注銀壺刻漏清
曙拂雕籠啼小鳳夢回珊枕怨流鶯
土花昏蝕千秋鏡舊悶新愁照不明

秋興

沈應元

露冷天高萬籟收猶聞鼓角起城頭
金波灑漲涵漁浦銀漢浮光接鷺洲
杜老秋吟巫峽興庾公夜入武昌樓
迢迢天柱知何許漫說平生憶遠遊

晚眺短述

沈應魁

滿目江山度客槎那堪鄉思莫雲遮
誰家短杏飛紅雨幾岸垂楊舞白花
荒堞月明分去雁平林霞落帶歸鴉
逢人若問行藏事指點青門且種瓜

經魯地望魯諸山有感

翠微遙見赤霞城滴滴晴山落眼明
險帶南徐成地軸雄標東魯作天屏
千年岱岳流雲度一代靈光蔓艸橫

漢禪秦封何處是停橈頻欲問諸生

舟次瓜步

廣陵繁華采石東瓜步日出商帆通皓腕誰家浣沙女
白頭何處沉綸翁行人衣帶蘼蕪雨古渡笛吹楊柳風
漸入黃塵孤劍路悲歌擊楫將誰同

遊金山寺

金山寺前江水流江上風濤橫素秋映日波搖虬窟動
接天潮帶梵鍾浮六朝簪組隨川逝一統山河逐望收
僂欲乘槎度霄漢重雲遮隔使人愁

舟次虎丘

王珉宅前秋日高白公堤上繫行橈且看石磴流雲氣
最喜禪房遠市囂泉落翠微涵法鏡梵流虛閣沉香颺
獨餘玄度登臨興澆醉支林酒一瓢

金陵縱覽

周詩

日照金陵氣鬱葱先皇鴻業想遺弓峒堯宮闕當天麗
盤踞河山四望雄七貴池臺春色裏五侯賓客笑歌中
千秋班馬今誰在欲賦西都媿未工

同瞿昆湖諸君復登拂水岵

勝境窺臨迥不羣與君物外接殷勤飛流百尺披晴雪
石壁千尋疊莫雲黛色浮空山窈窕煙光入望樹氤氳

懸崖列藉芳辰興極目長湖送落曛

海山錢侍御夜宴

木落山城片月生高樓宴會夜凄清
蕭娘舞態梁園雪秦女歌喉漢苑
鸞烽火獨憐經歲別笑言真喜一時傾
殷勤斗酒休辭醉岐路明朝復繫情

寄劉弘業

錢之選

青鬢初經四十霜宦情渾欲付滄浪
東風盡日吹芳艸幽閣馮誰採國香
篋有圖書堪自適門無車馬傍人忙
春來爽氣西山滿終擬松間築艸堂

凌節婦

一却鉛華泣素衣半生零落對空幃
寒霜曉汲初供爨莫雨夏闌未下機
百歲心期懸皎日九重恩寵慰春暉
今來頭白垂綃被又報門前五馬歸

擬賈舍人

沈冕

柳濕霓旌露未收漏聲清度鳳皇樓
珠宮月澹微分曉水殿風涼別貯秋
天上絲綸傳睿語日邊鸚鵡接清流
賡歌併入簫韶曲共喜恩波溢九州

遊報恩寺

華廊窈窕接人天龍抱穹碑倚日邊
花外碧城千嶂合空中寶塔百燈懸
僧迎霽景開寒殿鳥下空池踏凍泉

月滿長干埽路晚數聲清梵隔蒼煙

秋興和杜韻四首

曾共山翁鬪奕棋重來翻局事堪悲銀缸照雨成新夢
玉笛催春憶舊時百尺青松空自老千秋黃鶴竟埽遲
竹林詩在風流盡零落紅雲對所思

雲冷千峰歛夕暉荒煙野色共霏微十年天上無書寄
九月江南空雁飛老乏金丹將骨換醉看青劍與心違
高齋旅食淹畱地慚對秋風玉鱸肥

江山索莫日西斜病後驚看髮易華千里薄遊餘短劍
百年虛跡任浮槎正憐高閣吹羌笛忽報中原起戍笳
欲寄同心無那遠楚江空老白蘋花
江山看鑿是神功兩點金焦落鏡中曾滄鯨波窺異跡
直探龍窟御霧風煙中仙界樓分翠霞裏禪扉樹并紅
十載浪遊雙屐在不知衰鬢已成翁

七檜

金竹

夢驚濤浪詩邊枕影落湖山畫裏屏醉欲騎吹洞簫紫
輿來看拂白雲青仙壇伏有苓千歲秋夜天橫劍七星
我欲携琴梢上去一聲龍嘯雨冥冥

拂水次沈石田韻

晚陰花鳥若無緣一笠西來路上僂山下雲多常見雨

寺前松老不知年醉陶天地春厭酒夢入風雷夜枕泉
千古劍門空白石移文將亦待誰鑄

大石山

張煒

十里陂塘一棹輕湯舒青眼試山行撥開積翠方成路
踏破層雲始見僧怪石差我凌碧落平湖瀲灩撼江城
夕陽千頃蒼茫景盡入山樓第一層

懷舊業

憶昔山溪舊艸堂短牆煙柳帶幽窗綠深繁葉翳藏穩
泥落新巢鷺補忙小艇浮橈橫野渡亂流穿竹瀉銀塘
村居寂寂柴門掩幾處漁歌夕照蒼

沈鈞玄致政山居

休文多病愛林栖婦傍青山緝故廬煮石常留丹竈火
采真時展內庭書妍供老眼花千種冷沁詩脾玉一溪
只恐徵書天上至莫教鶴怨北山移

白鷺

張熠

夜來槐雨濕霓裳瞥眼瑤光近過牆輕逐曉星過太液
斜拖新月透長楊珠宮人散婦期遠玉局風高去路長
獨坐壺中倍惆悵浮雲天際正茫茫

河陽翁白燕詩數首俱佳僅存一首外有掠開花浪
魚方覺剪透梨雲蝶不驚亦贈炙人口惜失其全

梅影寄鄧梓堂

瘦來畏影卧寒廬無奈香魂爲起余東閣月明初印可
前村雪滿失真如廬頭移去天全曙墻角歌來日上初
笑殺畫工攻畫骨天矯姿相孰鄰渠

送江南仲山人還歛

趙用賢

乍來都市意何如憔悴初衣返救廬采筆江淹還賦夢
名山禽向屢回車蟬聲極浦孤帆遠雁影當秋片雨疎
有約丹砂能鍊就與君相對繹玄書

次韻劉子良秋夜對月

獨上南樓萬里情月斜鳩鵲影偏明亦知弟妹勞相憶
無奈文章老未名永夜高城聞畫角秋風孤館送清砧

不堪望斷關山道塞北京鴻起數聲

贈李大將軍

虎臣親遣護烏丸推轂先登大將壇戲下輕車遮首虜
軍中超距簡材官金戈霜抱陰山色鐵馬風嘶遼水寒
東顧無勞憂 聖主邊城今已繫呼韓

別周元孚作周時被譴歸楚

衡門高掩尚湖田忽報文星墮楚天肝膽乍傾盃酒後
死生相憶獲輿前停雲賦奪千秋雪抱葉吟同五月蟬
君到懷沙如有問衡陽宿雁起聯翩

送陳敬夫之任平陰

長安秋色上征袍
詞客行行四牡驕
東望晴峯千障迥
北瞻丹闕五雲遙
譚經暫擁皋比座
獻賦還趨紫禁朝
鄒魯遺風原不遠
好將文學振時髦

元宵夜徐伯繼吳子道丁右武鄒爾瞻同集小樓
時余移疾請告方有還山之興二首

春來初典鸚鵡裘
海內譚宗此一樓
燈彩焰分雙闕麗
月華星傍九衢流
鄴中詞賦徵高會
洛下冠裳屬舊遊
總道風光饒帝里
吏情終不似滄洲

莫怪相過駐馬頻
爲憐佳景動芳辰
高齋尊酒同今夕
諸子才名托後塵
燈火千門良夜永
鸞花九陌故園新
宵衣想到宸遊處
玉燭應調萬國春

舟中卽事

江浦新晴對落暉
芳堤艸色晚煙霏
青雲漸遠名猶在
白髮看多意轉違
風暖檣舳迎日舞
沙晴浴鷺傍人飛
緣知世路如浮梗
何事飄颻未息機

送萬進士令元城

萬善譚邊事

墟頭四月柳絲香
西去襜帷大麓長
三輔股肱今樂令
九河綿絡古黎陽
裁書秋思霜前雁
卧閣春陰雨後棠
百里可能淹驥足
直將投筆靜龍荒

武城阻涉

支離南北歎風塵可信浮名繫此身
雨暗連村啼綠樹月搖孤艇蕩青蘋
堪消驛路愁中酒却戀家山夢裏人
總道金門能避世何如江上老垂綸

梨花下讌別用瞿元立韻

滿庭香玉晝芬菲月色溶溶夜轉輝
賸有梅花能傲雪還輕柳絮解沾衣
歌殘綺席人初醉賦就梁園燕欲歸
上苑春光容易別明朝相望五雲飛

送周公瑕南還

楊柳千門曙色開翩翩裘馬亦雄哉
百年湖海憐浮榷一夜關山聽落梅
白雪盡驚枚叔賦黃金未起郭生臺
闔閭城外春如錦行到桃花渡幾迴

古田奏捷

皇威赫赫耀天兵南指樓船百粵平
萬里蠻煙開象郡三秋海色淨羊城
謀謨自協周宣睿嶺徼誰傳漢武名
聖澤于今霑異域凱歌直欲繼堯賡

恭題

皇上畫扇二首

花鳥芳菲禁苑中畫圖省識見春風
香飄蘭氣千莖碧日麗葵心萬朶紅
當暑携來看皎潔自天題處轉青葱
鵲鴿原上休相急已荷皇仁祝網同

右詠鵲鴿葵蘭

春城駘蕩日初長白鷺雙飛度死墻千樹曉霞迷杏豔
一簾晴雪汎梨香迴風舞共花爲雨帶月看來羽作裳
莫向昭陽營舊疊君王原薄漢宮粧

右詠白燕梨杏

東昌蕭太守邀登光嶽樓

嶽色東浮大麓平蒼蒼煙樹藹重城千條河渭窗中出
萬壑風雷杖底鳴高處淒清憐帝座望來佳麗奪蓬瀛
何當五馬追遊日一笑天門紫氣生

周元孚過訪話舊

逢君初汎洞庭舟共說中朝戀舊遊爲楚昔曾同趙客
渡江今始得周侯飛蓬有問青衫淚短劍無歌白日愁

良夜總拚臚酌酤可因盃酒托沉浮

客中荅潛坤姚子

陸鳳翔

客裏輕寒更悄然歌彈長鋏對蔬筵柔楊細柳皆春色
雨澹雲低又莫天花氣半窗人欲老鄉書兩月雁難傳
明朝湖上新開霽極目漁舟白浪前

病中

作客可堪司馬病况聞羽檄更傷神登臨有待應非昔
挑杏無私又自新鐵騎遠煩徵百粵金章誰復照青春
閉門三日東風雨獨抱吳鉤笑此身

上巳後三日湖中小集

海虞文苑 卷之六 三
衣薄春寒湖上晴美人携客湖中行啼鳥花香春自別
擊筑歌謳情轉生漁舟歷歷煙霞色僧寺遲遲鐘磬聲
歸來燈火已收市楊柳枝長新月明

蚤春病起

病中臘盡難爲別病後懷思益自憐澤國凍雲將暮色
梅花殘雪蚤春天掩書榻靜翻多夢煉藥鑪溫欲斷煙
悵惜舊遊湖水上半樓斜日釣魚船

莫春感懷別沈子羽

江湖水冷自魚龍生計無憑一短蓬雲去雲來還暮色
花開蕊落笑衰翁平莎綠暗疑春盡細柳長條獨受風

十日閉門初病起酒尊何處故人同

賈石湖以詩趣山行感懷奉荅

吳苑顛風急雨時綠楊秋水故絲絲親朋海內誰相問
稼園湖邊半已墮舉世似碁難定算此心如酒敢盈卮
僧門泉石元多興病思淹留却到遲

秦淮水閣讌集得十一尤

孫七政

欲訪名山賦遠遊邀懽重向白門留携將彩筆招叢桂
嬌殺紅裙妬石榴六代繁華衰艸色一盃江漢莫雲秋
篋篋曲盡美人去惟有清淮映月流

春後陪徐大滌沈嘉則訪禹錫姪藤溪山居

海虞子卷之六
興僻煙霞猿鶴愁山花飛盡日暝搜初疑谷轉通仙路
翻訝雲深悞客遊翠佩不遺人獨杳洞簫何處水空流
若非嵇阮能招隱那識孫登澗壑幽

送鹿門和尚遊清涼山

不識名山萬里尋春風吹度五湖陰經過赤縣花俱發
行到清涼雪自深金粟有身非幻迹青蓮無色是禪心
寺前松樹應西指何日東枝返舊林

改定孤鴻篇

孤鴻曾向曲中聽哀怨分明玉柱間夜夜碧天空顧影
年年青海獨飛還不辭漢苑傳書切祇恨胡沙逐伴剪

百萬鐵衣俱壯士一聲嗚斷絕潛潛

此落句推敲數年終不若本來之神來情來也詩貴自然信哉此乃質直中真意當與西出咸陽門哀哀淚如雨夜闌更秉燭相對如夢寐等語齊驅良工苦心誰則知之

改定少時詠花枝語鶯

簾幙東風飛鷲子雙雙語入落花深香前細數昭陽怨
枝上初傳碧海心白社未歸春寂寂玉關無信曉沉沉
多情豈厭雕梁住怕惹佳人淚滿襟

落句改休言燕頤封侯事空使佳人淚滿襟予作此詩已十餘年矣友人雖遂傳去予謂其婉弱不存舊稿偶獨坐窗間適新燕語嫩綠中頗關幽意遂記憶書此

夏日阮將軍諸公過訪天王堂觀落日此詩已十

四年矣舊稿不存因前作更書之

寂寂禪扉帶艸青客來登眺傍新晴奇雲添作諸峰秀
落照猶銜遠塔明城畔身啼怨蕭索上方鐘韻發淒清
畱君尚有東林月厨酒能供阮步兵

人日過王百穀

滄洲杳杳何迢迢獨向玄亭問字來雲外山光俱是雪
坐中春色却畱梅百年幾識東風面七日須傾北海盃
已訝生花江筆底芳菲不用剪刀催

詠白松

曾傳仙嶠珠爲樹今見霧柯玉作羣翠蓋空將煙際覓
虛濤只似水中聞秦皇欲駐疑飛雪松子來尋却伴雲
若問長生食玉露萬年枝上自氤氳

和童子鳴集秋日閒居二首

艸徑蕭條野菊新柴桑門巷寂無塵半空山翠簷前落
一片秋光鏡裏親廬岳高僧招入社蓬萊外史許尋真
從今更乞乾坤債長倩煙霞伴此身

好愛五湖秋水長清虛渾似入瀟湘萍開碧渚芙蓉媚
雲度清溪桂子香幻去生涯從失馬看來人世總亾羊
夕陽影裏樵歌唱消盡西京傀儡塲

再遊天界寺

客來深到白雲房喜得支公歷上方
蘿徑石潭人跡杳
雨花空藹梵門長岳飄清磬催殘葉
江映疎松吐夕陽
迴首長安俱是染祇應高卧鹿林旁

龍潭道中

路覓龍潭破客愁風光宛在鏡中遊
江聲半帶松聲聽
雲氣常和花氣流
暝宿人煙微映月遙分樹色迥含秋
明朝西去長安近
鬪笑紅塵走白頭

自慰

荒徑依依菊蕊新
此身今已任亨屯
黃金散盡方齊物
碧海遨遊始絕塵
句裏能工真自適
尊中有酒不爲貧

須知玄艸元非白
何用聞嘲夏解人

武丘別社友吳孝甫兼有所思

白社人逢繡佛前
客情深處酒如泉
十年滄海空飛雁
一日青山是別筵
林葉掃開還瑟瑟
岳花落盡更娟娟
向來江上笠篔簹
在腸斷何人理鳳絃

蒼雲上人禪院送古明師還蜀師久住通州

竹院逢師聽法音
明朝又隔碧山陰
十年蜃海留孤偈
萬里蛾眉返舊林
石上經行秋月白
峰頭挂衲莫雲深
知師去住元無着
可奈人間怨別心

歲莫百穀王仲見過因往山椒探梅

彼此乾坤病裏身王孫憔悴各沾巾鄰家割宅供婚嫁
荒徑畱松待故人眼底浮雲俱幻態音中白雪自陽春
歲寒何處看交意惟有梅花不厭貧

寄憶嶺南歐水部崙山

長憶能詩水部情一尊江上別西京青萍在握憐歐冶
白首臨岐怨子荆空谷病淹秋葉下故人書到曉猿驚
梅花若問相思夢夜夜羅浮片月明

寒食雨中

陳詩

輕煙輕雨寂寥天寒食清明盡慘然世事百年芳艸外
愁心千點落花前紅顏薄命時難問白髮無成真可憐

大抵人生俱夢幻莫論佳節禁炊煙

秋聲

陳五常

高閣煩襟生遠興忽聞涼籟動羅帷隨風已去傳鳴柝
傷月還來助搗衣疑有波濤從地起獨憐烏鵲正南飛
長安此夜悲秋客細數流年感是非

雪後張壺梁邀飲曲水艸堂

顧堅

艸堂曲水玉璘珣高誼于今得細論凍月出雲猶刻燭
冰天日莫且持尊徵君一代山爲仰刺史千年石尚存
人散光搖迷夜騎醉歸別是一乾坤

山航遇雨

孫樓

樓船載酒雨雲天，巒色波光共黯然。景似武陵花欲暝，人如山簡醉成顛。清聲半度啼鶯外，白眼雙懸去鳥邊。簫鼓莫將歸棹促，已拚漁火隔江眠。

新秋錢汝載侍御薜蘿齋校文作

急雨初收日下春，海樞相映綺疏紅。火雲不斷莫山外，新月乍沉秋水中。彩筆分題同賦暑，畫闌斜凭獨吟風。玄蟬莫噪高梧樹，柱史青衣曲正工。

江都千夫長張君，晚築別業老于焦。山北固之間，故戾耕隴復浮家。歲杪還乘江上槎，北固結廬雲滿樹。東湖埽棹雪生花，征袍卷盡猶赤拂。袖山中鬢未華。

三十功名堪一笑，何如十畝邵平瓜。

詠紅梅

羅浮枝上着春嬌，况有啼鶯淚雨饒。香襲暖風魂易醉，骨欺寒霰色難消。冰肌不厭施朱粉，豔色真堪鬪絳桃。莫遣壽陽重點額，六宮應妬曉粧妖。

詠燈花

銀燭蘭膏四座明，丁香一朵豔長檠。石棊敲處蕊初落，玉筯剪來花更生。不共芳菲零夜雨，也隨紅紫鬪春晴。洞房何事欣無寐，卜得歸人萬里程。

喜聞趙吳二太史應召

陸昺

海虞志 卷之六
湯聞江左璽書臨直道終能簡帝心攀檻總憐臣節在
賜環重見主恩深雙懸闕下星爲歲再起岳中雨是霖
况復絲毫千象緯詞曹今喜益華簪

水雲閣宴集同孫齊之陸無從諸友

相逢意氣共歡呼半是當年舊酒徒自笑飄蓬餘佩劍
豈憐汗漫濫操觚飛梁映水長虹卧高閣憑虛片月孤
醉後徘徊情更逸秦淮秋色滿菰蒲

壬辰除夕

衰遲自歎逢除夕親舊誰能慰歲闌廡下僑居鶉可結
山中違俗鶉堪冠含毫頌起椒花媚送臘盃浮柏葉寒

春入西溪溪水綠祇今舊業有漁竿

廩嚴養齋

繆元吉

堂開綠野對平湖隔絕京塵萬里途紫閣不如山閣逸
幽情却與宦情疎鈎簾靜閱閒花艸拂几時看古畫圖
千載石湖歸後致先生高節與相符

新雁

陸南英

風景寥然木葉黃信禽遙憶水雲鄉涼飈附體翎雖健
河朔連天路正長忍向青樓催短夢定經白磧逗離腸
只今世路饒曾斂休認江南足稻粱

省中聞鶯

何鏞

畫省繁陰接禁城流鶯何處弄新聲九重淑氣春先入
百轉和風午更清隔葉遶歌迎鳳輦交校坐語雜鸞笙
誰云天上無同調向我嚶鳴似有情

三峯丹桂

張繼詩

金粟仙人住梵宮拈花色相比霜楓風飄鷲嶺彤雲遠
子落虞岑映日紅火棗細分香積粒丹砂勻簇小山叢
燕山竇氏分奇種樹德繇來致瑞同

送廣文解組

宋良學

水拍牙檣去遠空吳江西指越江東千家桃李風光別
極日宮牆煙水濃春雨閒庭餘碧艸秋芊隨地起清風

不禁把袂臨郊陌歌罷驪駒悵望同

贈沈飛霞

姚煦

暨陽霧嶽隱休文笑傲江湖思出羣高咀音霞凌逸氣
長吟白雪吐奇芬握蘭對客紆瑤軫挾藻逢人染練裙
韋曲盍簪情始洽莫將踪跡等浮雲

憶栖霞寺舊遊次嚴養齋韻

栖霞法境憶曾攀迢遞雲踪廿載間千佛幻形皆化石
六朝遺跡但空山梁王梵已傳松籟墅客題應沒蘚班
今日勝遊歸相國瑤篇寄我一開顏

北固次養齋韻

南徐佳麗控神邦北固危亭枕練江珠樹上栖黃鶴獨
瓊濤中立翠螺雙藤蘿掩靄寒垂壁葭菼蕭騷秋滿窗
曠曠褰霞飛鳥外狂歌小海入雲腔

來雲閣讌集

碧山虛閣倚雲隈白髮追隨上客來大石煙霞由地勝
高窗圖畫自天開重湖明水搖歌席叢菊清芬拂酒盃
秋色紫岳吟不盡歡畱餘薺一登臺

甯邵耕夫

陳允中

空齋寂歷雁來稀忽訝春深白雪飛吳市譚玄幽意愜
楚天投壁吏情違浮雲未足迷晴日鷗鳥偏應遠世機
蚤晚向平身事畢五湖煙月挂蘿衣

題藤谿艸堂

孫柚

茆屋初成隔世氛看山間枕碧溪瀆岫端瀑布懸秋漢
竹裏人家流莫雲落菟祗應人共棄幽跡不願世相聞
龐公何必携妻子始向荆門事隱淪

過頂山寺

廢寺荒涼倦客遊斷崖崩澗幾松楸蕭條雲物空山靜
寂歷風霜古樹秋鳥下荒厨窺積葉僧持孤鉢洗寒流
嗟予未悟空王理翻向興亾起莫愁

從秦坡澗登拂水

海虞文苑 卷之六
谷口朝來風日霽試移雙屐步氤氳湖開淺鏡波微鎖
山吐脩眉黛未勻疎柳暗遮行客騎曙鶯啼散落花雲
更憐絕壁飛泉甚晴雨翻空半壑聞

元夕阻雪藤溪

竹樹蕭蕭雲漠漠空山飛雪獨登臺錦城燈火連香陌
清隴梅花冷綠苔孤枕漫懷高士卧扁舟那望故人來
誰云此夜芳菲節鬢鬢驚人轉欲哀

遊左山寺

徐漢稭

三秋相憶楚江頭此日同來紀勝遊花雨影從蒼澗下
齋鐘聲和白雲流借開幽徑延求仲暫托香蓮識惠休

試辨劫灰何限意中原人物總荒丘

夜泊瓜步

絕塞風雲失壯遊客星江漢祗虛舟鐘搖落木千山月
雁度寒煙一水秋藪桂有期懷舟里梅花無夢遶揚州
清砧只解傳閨思那管離人在石樓

坐月盆荷遞香因懷秀峰南樓

錢審言

城頭鼓角動江天共對清光此夜圓萬里絕塵流碧海
一輪飛玉破蒼煙薰風入座涼侵袂蓮葉飄香韻繞筵
遙憶庾樓良宴會可無豪客咏瑤篇

游維摩寺

廿年不到維摩寺此日來遊意惘然
古樹陰高山殿冷
午鐘聲遠梵音傳支郎錫去雲封樹
玄度詩成玉在篇
回首空山青靄合豈勝惆悵下平川

莫春登虞山門城樓

錢繼科

危樓城上倚虛空俯瞰山峰勢更雄
老去強登春欲盡
醉來遐眺意無窮逸民祠鎖荒煙
莫帝子臺空落日紅
轉眼乾坤皆剩物吾生何用歎飄蓬

病間自歎

三分春色一分過風雨愁中病又多
花含凍雨怪無色
鳥怯寒風坐不歌愁來幾欲彈長鋏
病去猶能賦短哦

長卿犢鼻還通顯媿我南冠奈老何

午日書懷

江郭陰陰梅雨涼山齋寂寂棟風香
物華喜換端陽景
鬢髮愁沾五月霜鬪艸強隨年少戲
簪符故作老來狂
半生活計惟盃酒羞見蒲黃又滿觴

落葉

吳中

井梧初報素秋天憔悴淮南賦長年
楊柳芙蓉驚月露
御溝僧寺競詩篇空山滿徑誰相慰
爐火無煙祇自憐
棄置林臯勿悲愴好煨榾柮醉華顛

題致道觀

鄧廷薦

不見南枝鳥鵲飛，銀河夜轉桂輪輝。
路遵洞府窺丹宇，級拾瑤壇俯翠微。
滿地虬龍盤樹影，一天星斗落人衣。
上方清嘯舒嵇阮，飄入人間和者稀。

贈僧

鄧光晟

飛錫歸來破衲存，結廬欲繫白雲根。
一銚座右塵生榻，十笏堂深月掩門。
燈影長明和夜定，鐘聲初斷已朝暾。
我今共語無生理，却笑紛紛蠹在禪。

虎丘觀雙妓走馬

呂吾象

鳳鞋銀鏡鬱金裙，蘇小非煙迥不羣。
舞帶絲鞭風影亂，流蘇玉佩電光分。
紅塵拂面迷花霧，綠鬢歌眉逗柳雲。

香汗輕銷朝潤透，遊人夾道擁繽紛。

詠石羅漢

徐培

寂歷雲根舊隕星，化身一丈立亭亭。
冰霜臘久長眉白，岳壑塵空慧眼青。
五百衆中偏着相，三千界裏自通靈。
冥然似悟西來法，不向生公聽講經。

巫丞相祠

千古殷虛不可尋，相君祠屋到于今。
空山老檜凌寒色，別院仙雲借午陰。
鳳曆已推天地理，泰階原合廟堂心。
豐碑一片依精爽，莫使荒臺蔓草侵。

詠美人晝眠

碧窗春日晝遲遲錦上鴛鴦倦繡時影側鳳釵雲髻髻
痕生玉枕酒凝脂不隨盧女耽歌舞豈爲襄王惱夢思
簾外花陰猶未轉起來閒倚合歡枝

張伯高遊洞庭歸詩以訊之

三月看山興索然好懷無奈故人偏洞庭遊去雲隨屐
震澤歸來月滿船曾過隱君花徑裏定尋開士竹房前
春光彩筆應收徧肯授奚囊第幾篇

西山紀興

浦大治

細雨空山帶晚晴煙光澹蕩鏡湖明垂垂芳樹日初落
寂寂飛花鳥亂鳴望近樓臺將月白到來蓬葦有餘清

從教老去幽探在獨往時時策杖行

送瞿元立覲後還辰

邵昌鉏

楚雲湘水去蕭蕭五馬何曾繫一瓢千里朋情懸別棹
萬家蠻語識歸輶素心不識丹砂貴片檄能消服驕
聞說行春多勝事桃花夾岸武夷遙

邵伯秋懷

薛志學

水國縱橫蜃氣驕江湖蕭瑟起秋濤常平未卜司農策
征榷仍來使者輶極目白雲空世態開襟紅蓼轉牢搔
平生意興原疎宕且對蒼茫詠大招

題邵隱君山樓時屆六十

陸化淳

舊隱清門有邵平松梢一榻枕孤城窗涵空翠留虛隙
簾捲晴嵐罨四楹鸞語換時春夢午嶺雲深處杖藜輕
東園綺里歸吾黨間看春秋取次更

寄薛雲卿

范樂善

落鬼江湖鬢雪侵數行遙寄憶浮沉清尊幾夜樓中雨
短榻經年夢裏心自笑嵇生成懶癖爭誇枚叟冠詞林
吳楓霜冷催歸棹夙昔幽盟好再尋

桃源澗

瞿汝稷

丹溪碧磴到來幽遙聽潺湲落嶺頭桃夾雲泉環曲澗
松圍石室倚寒流禽聲每雜絃歌轉花氣隔樞羅綺遊
時把一尊蒼翠裏可須東海問神洲

中峰

龍墓逶迤徑轉東精藍秀色更青葱誰知丈室千林裏
但聽疎鐘萬壑中鳥啖每隨芳艸變溪流不與下方通
荷衣舊日同遊在一別桃花幾度紅

龍殿

耽幽時剪北山萊古殿蕭疎爽氣迴木末叅差開絕壁
江流隱映入虛臺石梁半倚蒼嵐度素瀑遙分積翠來
寂莫玉龍神井畔綠陰啼鳥幾徘徊

自碧雲寺至善化寺

鳥道摩雲去轉長寒山不盡樹蒼蒼兩崖中斷千峰出
萬壑縈迴一寺藏空水觀成僧定久煙蘿境寂客心涼
疎鐘乍息斜陽下蕭瑟虛庭桌葉黃

來青軒對月

日落羣峰翠欲流紫煙滅處月華浮桂輪影散檀林寂
兔闕涼分鷲苑秋歷歷溪山披練淨泠泠鐘梵出雲幽
清光勝境看偏好夜半還登絕巘遊

曉行

嚴澂

吳歌子夜動高眠細雨廉纖怯刺船何處梵鐘開墅色
羣飛宿鳥破江煙悲歡夢斷空千古琴酒情深湯百年

茂苑舊宮何處是艸荒樵徑翠微連

題燕窩眺臺

選得幽居足薜蘿層臺還復敞嵯峨平臨雙闕紅雲近
坐擁千峰秀色多綠綺調來疑下鳳黃庭書徧不須鶯
中宵沆瀣饒堪啜豈藉金莖出絳河

送瞿元立觀後之辰

漢守河南第一功褰帷秀色出江東五溪煙瘴隨車豁
三楚雲山入賦工翻手難知應世路推心易化是蠻風
從他地有丹砂在不爲求仙效葛洪

次新封廨中同廣文平光亭橋梓夜坐及凌曉餞

別

陳禹謨

共君疇昔擁皋比此日相逢話舊時造膝不知膏燭盡
臨岐頻把酒盃遺繁霜隊地成銀海殘雪封條徧玉枝
此去無過經歲別白溝重渡與君期

登吳之矩祠部雲起樓二首

繆希雍

危樓百尺倚雲開紫氣遙看五色裁名酒自淹佳客坐
雄文偏致美人來花時百雉明如錦雨後千峰淨若苔
極目空青同上界不妨高卧迥塵埃

雲移日影上層樓望入蕭疎四野秋沈水月來光欲動
官山雨過翠堪流憑虛作賦思揚子坐隱翻書恨謝侯

二古勝情聊此寄超然玄覽在滄洲

春日放舟石湖連登上方眺遠

寶幢倒影入湖流山色疑空翠欲浮僧在上方如佛國
客來吳苑勝神州花堤遠映王孫路錦纜渾牽士女游
日莫芳菲雜歌舞五陵婦騎擁輕裘

昔過破山寺有詩存者寺色松頭二句餘不記也

鉢庵上人秋日來告閉關輒爲補一宿奉贈

邵鑿

遠公一食罷初晨五柳先生舊結鄰江上綠陰虛片棹
山中明月夏何人千年寺色松頭冷半日茶煙竹裏貧

聞道神通無住所關門何必是真身

題選卿餘適山房

潘世美

端居林麓謝塵緣松塵蒲團得自便
拄頰西山時致爽據梧南郭卽遊仙
千篇點抹麟經筆萬室涵濡橘井泉
徑有求羊非寂莫幽人從此樂陶然

錦峰絕壁圖送趙太室入覲

陳國華

虬蟠十里兀杖筴丹壑磨霄綺障
賒紫氣龍葱滄海蜃晴光璀璨赤城霞
懸崖半落天河水絕巘全低月樹葩
持却峰頭片廉石憑將好景鳳池誇

月夜聽美人吹笛

徐崇賢

豈是紅粧感別離笛聲雅奏遏雲飛
調翻玉指流香澤曲度蛾眉出翠微
楊柳折來春未曉梅花落處月爭輝
夜深不惜殷勤弄露下輕綃濕紫衣

秋夜把酒有感

徐崇誠

林外風高木葉飛天涯孤客思依依
寒光翻動芙蓉劍秋色空凋薜荔衣
五夜嘯歌雄氣在十年遊俠故人稀
漫將濁酒消銀燭一醉胡床穩息機

題又玄世丈朝爽樓

宋林中

西山爽氣映齋前小築樓居逸興偏
凭眺欲窮千里日卧遊遙聽百重泉
還丹養就仙源近文苑編成奕世傳

海虞文苑 卷之六
蝸角悠悠何足問與君物外叩三玄

夏日閒居

徐待聘

陰陰綠樹覆虛堂靜掩重門白日長
一榻竹風塵不到半簾溪雨夢猶涼
松濤鼎沸茶看熟花霧吹毫墨吐香
漫說北窗聊寄傲時時高枕到羲皇

題小輞川四首

錢達道

爽氣西來半入城迤邐如在輞川行
金銀宮闕依稀見蒼翠峰巒點綴成
水色似分藍水碧山容疑占玉山青
世人誰解林泉樂今古無過兩右丞

高閣憑虛一水分心空巒與世相聞
清泉洞口招麋友

白石灘頭數鶴羣
溪地槐陰晴澹蕩
點溪花雨晝氤氳
欹湖欒瀨停青雀
摩詰風流屬長君

一徑通幽杳莫攀
白雲深鎖薜蘿關
城頭錦障煙中樹
屋角青螺水上山
石磴互循華閣迥
藥闌斜遶畫廊還
品題不乏名人筆
滿壁琳琅取次刪

翠拂湘雲玉萬竿
孟城風物總奇觀
尊前竹葉和花醉
扇底芙蓉隔樹看
金縷遏雲秋引鳳
紫簫乘月夜吹鸞
獨憐裴迪歸來晚
華子岡頭好挂冠

盤山寺

盤谷煙霞滿榻生
偶來一宿萬緣輕
山將夜色侵衣冷

雨帶溪聲入座清
玄覽恰宜麋鹿性
幽栖偏洽薜蘿情
小窗好作仙遊夢
回首諸天正杳冥

望夫石次周文載韻

一從分鏡恨無邊
寧許操持石樣堅
水落寸心澄素練
月明孤影對青天
聽猿欲斷腸誰續
望雁將枯眼自憐
當日結禱如可記
千年江上忍雷連

秋懷

陳以敬

秋來無日不清暉
最恨邊庭羽檄飛
跨海樓船師乍返
征夷節鉞計全非
霓裳一曲愁鼙鼓
羌笛誰家度短扉
萬里關山明月夜
幾人征戍憶寒衣

送前廣文復齋楊先生還江山

許儵

長亭曾是悵離筵
越水吳山隔遠天
門下侯芭思問字
亭中楊子自成玄
從誇絳帳三千士
已冷青氊十五年
此日相逢如夢寐
忍看風色送歸船

送孫漢陽雲居遊越

倪鉅

解組歸來不記年
勝遊重汎武林船
江邊桂棹搖明月
湖上芙蓉卷暮煙
三竺雲光邀載筆
六橋秋色候吟鞭
山霧近識蘇門嘯
清夜鸞音萬木傳

因僧訪妓

少年鞍馬洛陽春
老去煙花強自親
偶挾祇陀園上客

言尋桃葉渡頭人
慈雲御月停歌扇
飛錫憑風度舞裯
此日借君甘露水
將從巫峽出迷津

梅花

薛胤龍

羅浮夢徹韻常新
肯爲愁多損玉神
竹外松間數枝雪
江南塞北一家春
遙傳隴上逢歸使
忽到窗前是故人
千載西湖見孤賞
冷香疎影合清真

桃花落同顧朗仲賦

武陵春色欲蕭條
樹樹殘紅作雨飄
數點游絲畱宿暈
半林斜日澹餘嬌
錦江有浪驚魚舞
玉洞無塵襯馬遙
惟有主人深避世
恐招漁父尚耕樵

嚴道微携具過石耕夫山居

寂寂松堂寄碧岑
羊求竟日許追尋
琴聲半咽泉聲響
酒色偏同樹色深
揮麈劇譚名理出
開窗挹爽翠嵐侵
吾曹解得丘中趣
曷飲何須問陸沉

春莫遊寒山贈趙凡夫

金定樂

十年埋照翠微居
一片玄襟自泊如
搜石忽懸新瀑水
買山因復舊精廬
雲間松吹和仙梵
春盡岳花滿道書
不厭野人長問字
到來心地日清虛

生輓詩爲張廉水作

曠達輸君老未衰
輓歌先倩故人裁
請看峴首碑安在

浪說雍門曲易哀寶劍會須當日贈素車空笑異時來
亦知身後名千載不博生前酒一盃

江上登君山

湛湛長江控碧岑茫茫身世此登臨背岳棟宇鄰魚鳥
破浪帆檣自古今秋樹北浮沙縣小莫潮東落海門深
一尊欲酌春申墓蔓艸荒煙何處尋

題巖道澈乾坤一艸亭

晚節遺榮薄世緣香茆葺宇翠微邊玄經艸罷頻中聖
詩卷添來半入禪隔場竹音鸞吹雜到窗松影鶴巢圓
采真况與仙壇近巾舄常時帶紫煙

賦得吾谷楓林簡張元春畫史

蘿徑松扉盡日行每于霜葉更畱情到來空谷疑丹穴
看去寒山似赤城繁絲幾經涼露濯餘妍猶共晚霞爭
尊前願託僧繇筆搖落毋勞客子驚

桃源澗妙音庵

積翠陰陰澗道深山腰香閣俯珠林晴雲半是旃檀氣
迸水長含梵唄音春晚桃花聯衆壑雨餘瑤艸徧層岑
松門片石無纖垢趺坐時生出世心

遊支硎山

道林長往此山空霧貺相傳有梵宮碧嶂盡圍初地外

青蓮重吐劫灰中時寺被火重建鶴亭樹偃蘿陰合御嶺嵐飛
石勢雄濟勝自來饒勝具采真期與許詢同

詠劍

邵濂

床頭削緹起悲風霜鏐稜稜紫氣籠慘澹晝鳴風雨室
精芒宵轟斗牛宮張雷未是真知己荆聶由來辱乃公
短後曼胡何足論倚天耿耿待英雄

江夜寤懷

錢希言

冠子橋西舊艸堂書籤藥裏亂匡床桂憐寒影猶分月
梧惜新枝未護霜婦歎豈堪蟲網戶人歸不及雁齊行
趣江烽火驚初定好借明蛇到故鄉

會稽懷古

越王楯甲此曾樓玉帛來同古會稽秦望樹侵滄海北
禹陵雲豁大江西亭移曲水花空發墅廢東山鳥亂啼
一片鏡湖秋月白夜深飛度若耶溪

揚州懷古

粉盡香消王氣收煙花猶記古揚州錦帆帝子行何處
白鶴仙人去幾秋水春雲經戰馬蕪城明月想歌樓
少年作客渾無賴半逐銀箏半削緹

客思

一夕西風客思驚雨聲颯颯和江聲酒因病減愁偏重

衣爲寒添橐漸輕漁火夜腥雲夢澤瘴煙秋瑣岳陽城
無端又破還家夢楚水依然遶去程

登拂水岳

孫森

盤磴縈紆入翠微忽開霧境列岵扉石支天半連雲冷
泉激峰頭挾雨飛極浦晴光搖海樹平沙鳧雁落寒磯
坐來仙樂續紛久欲拾青霞滿袖歸

乙巳菊月過安茂卿西林有懷

秋入林塘晚更幽獨携餘興極冥搜路穿松徑初逢月
酒到詩成正倚樓金谷池臺間白日文園詞賦漫千秋
阿嬌亾恙胭脂冷紅葉蕭蕭點客愁

過選卿世丈餘適山房賦贈

朱門先達鬢誰青肯擲紅顏老一經定勝已知韜日壁
閒來猶喜註黃庭息陰可是能逃影不飲何妨辨獨醒
自笑支離畏途客相看惟有羨鴻冥

秋夕過天王寺遇雨宿九蓮上人山房得林字

何世滋

來訪名僧尋古刹穿過松徑入橙林山間碧殿深秋色
樹裏疎鍾帶壑音榻擁寒雲清曉夢燈縣微雨發孤吟
吾生不戀區中業乞食還餘物外心

同集孫子桑山居賦贈

翁應祥

州玄新構子雲亭况復開尊有客星拂坐樹畱霜後綠
當筵山疊雨餘青卜鄰已自徵同調醉德何須問獨醒
我亦疎狂貪着屐間隨杖策過林垌

客館憶北山書屋兼訊朗上人

錢爾光

搖落偏令客思多故山秋色已蹉跎疎籬菊冷人何在
荒徑松閒月自過梵隱林間驚墜葉詩裁牕下幾沉哦
鍾靈移草休爲勒不是塵纓耻薜蘿

夏日同卓左車何晉生西湖舟中讌集

畫船張晏碧湖中四望晴巒翠色蒙公子風流名目滿
諸賢星聚德兼隆沿堤疎柳垂簾綠映水芙蓉拂棹紅
興盡東南人共醉清歌一曲夕陽空

繆升潛滇南歸余過訪齋中遡別時越三十載矣

悲喜交集賦呈二首

天涯寥落自何年倏爾相逢別思牽劇語壯心猶未耗
驚看衰鬢總堪憐一杯酒盡黃金散五嶽游成芒屨穿
風物故園依舊在與君酣賞倚花前

十載飄零萬里遙何期握手是今朝故山遶舍嵐長動
疎柳當門色未凋句曲陽春生黍谷匣中寒劒傍雲霄
向來離合君應念莫遣關山興復驕

感遼事賦

周儼

萬國車書統漢官一隅狂逞嘯呼韓游魂奮臂當車勇
朽腹操戈入陣難城壓黃沙宵鼓絕山齊白骨曉風酸
滿朝肉食誰憂國空使書生恨賀蘭
邊塵飛警怯多官慙愧臨戎有范韓局外是非開口易
軍前生死置身難李陵有恨歸心絕楊業無援戰血酸
借得尚方誅佞劔未須連夜斬樓蘭

中秋詠贈錢二子健新婚

何夢齡

見說中秋勝別夜中秋此夜更情深微雲影月多因夢
香霧撩人漫廢尋飛鏡照粧渾似玉空輸入帳只疑冰
嫦娥携得蟾宮桂頻囑仙郎好用心

山居自咏

釋法乘

寂寂空山風氣清人間何事得關情春啼竹院知林色
客到柴門聞犬聲澹澹水光魚自躍疎疎花影月初生
夜深猶向峰前立幾點殘燈隔樹明

畱別武陵諸君子

釋慧秀

仙源景物恣清遊無那寒風動別愁芳杜暗凋湘浦夕
哀鴻斜度洞庭秋情真夢繞桃花澗江永神驚竹箭流
歸去石城霜月下憑闌西望思悠悠

聞錢五卿使君被謫再謫有歸田之志仍赴楚中
携家奉陪二首

春陵故近五谿蠻，刺史終緣蕙以還。舜目自來明似日，魯門不道險於山。一官解綬眠方穩，萬里携家屐未閒。珍重加餐前路遠，高堂二老待承顏。廿載勤勞兩謫官，畏途真比太行難。屠羊返肆臣何慕，失馬從天翁自安。碁局已殘休角勝，射工雖巧莫言酸。請歸雞肋譚鄉土，城裏青山足考槃。

春日走天台道中

釋圓融

歷盡羊腸路，轉餘峯巒曲折似。褒斜泉飛濂洞，常疑雨花沉桃源。半落霞藥艸，清香迷客路。桑麻深處見人家，扶筇不倦尋真隱。隱隱聲聞御苑車。

觀荷

張惟默 羽士

心憶芳洲水氣涼，芙蓉相向滿橫塘。葉翻重露朝猶翠，花帶浮煙午亦香。騎馬未邀山簡醉，凌波先試洛神妝。他時更覓如船藕，會碾鸞輪太華旁。

九日復登彌羅閣分得潭字

澤國秋光萬象涵，縣崖高閣聳精籃。振衣散去峰頭雨，揮翰飛來樹杪嵐。詩紀勝遊仍共賦，酒當佳節肯辭酣。興豪不覺諸天暝，鴻鵠雙雙下碧潭。

淮廣文苑

卷之六

三



